

ՀԱՅԱՍՏԱՆԻ ՄԱՍՆԻ ԸՆԿԵՐՈՒԹՅԱՆ ՀԱՅՈՑ

ՄՐԱՎՈՐԱԿ ԳԱՅՈՒԹՅՈՒՆ ՀԱՅՈՑ

ՈՒՍՈՒՑԵՑՆԵՐՈՒՄ Ա. Ա. ԱԶՅՈՐԴ

ՈՒՍՈՒՑԱՑ ԽՐԱԳՐԻՆ ԳՈՐԾՎԱՐՈՒԹԵԱՆ

ՀԱՄԱՐ

Տ. Բ. ՀԵՂՋԵԱՆ — Գ. Ա. ՄԱԼԱԲԵԱՆ



4. ՊՈԼԻԿ

Խնամքային Ը. ՄԱԼԱԲԵԱՆ

1909

371.3
2-59

2802-1

Հրատակութեան Մագեստ Ըստերութեան Հայոց

ՄԻԱՅԵՍՏ ԸՆԿԵՐՈՒԹՅԱՆ ՀԱՅՈՑ



ՈՒՍՈՒՑԻՉՆԵՐՈՒՆ Ա.Ռ.ԶՆՈՐԴ

ՈՒՍՄԱՑ ԿՐԱԳՐԻՆ ԳՈՐԾԱԴՐՈՒԹԵԱՆ

ՀԱՄԱՐ



Կ. ՊՈԼԻՍ

ՑՊԱԳՐՈՒԹՅԱՆ Յ. ՄԱՏԵՂՈՍՅԱՆ

1909

11 JUN 2013

48

ՈՒՍՈՒՑԻՉՆԵՐՈՒՆ ԱՌԱՋՆՈՐԴ

ՈՒՄՄԱՆՅ ԾՐԱԳՐԻՆ ԳՈՐԾԱԴՐՈՒԹԵԱՆ ՀԱՄԱՅ

—♦—♦—♦—♦—

Ա.-ՖԻԶԻՔԱԿԱՆ ԴԱՍՏԻԱՐԱԿՈՒԹԵԱՆ ԱՌԱՐԿԱՆ

Ֆիզիքական դաստիարակութիւնը երկու նպատակ ունի.

Մէկ կողմանէ տղուն մարմինը զօրացունել, կազմուածքը ամրացունել, զանի դնել այնպիսի պայմաններու մէջ որոնք իր ֆիզիքական ընդհանուր զարգացման ամէնէն աւելի նպաստեն:

Միւս կողմանէ կանուխէն անոր տալ դիւրաշարժութեան ու ճարպիկութեան այն բնրեմասնութիւնները, ձեռքի այն աջողակութիւնը, շարժումներու այն արագութիւնն ու ապահովութիւնը, որոնք, ամէնուն համար ալ թանկագին, մասնաւրաբար աւելի կարեւոր են նախնական վարժարանաց աշակերտներուն, քանի որ ասոնք մեծ մասմբ սահմանուած են ձեռական արհեստներու:

Նախնական վարժարանը, առանց կորսնցունելու իր դաստիարակական հաստատութեան էական յատկանիշը եւ առանց փոխարկուելու արհեստա-

ՏՊԱՐԱՆ, ՎԻՄԱԴՐԱՑՈՒՆ, ԿԱԶՄԱՑՈՒՆ ԵՒ ԹՂԹԱՎԱՃԱՌՈՅՑ

3. ՄԱՍԹԷՇՈՒԵԱՆ

Թիւ 27, Ֆինաննը և եօգուու, Կ. Պոլիս



3154-21.

նոցի , կրնայ եւ պարտի մարմական վարժութեանց նուիրել բաւական բաժին մը՝ պատրաստելու եւ նախապատրաստելու համար , կերպով մը , մանչերը գործառի ու զինուրի ապագայ աշխատութեանց , աղջիկները տնական ինսամոց եւ կանացի գործերու :

Մ Ե Թ Ո Տ

Մարմակրթութինք , շեղումմը ըլլալով դրաբ-րոցական աշխատութեանց եւ բուն դասերուն ամբողջութենէն , ընդհանրապէս կրնանք ըսել թէ սէրն ու եռանդը կը գրաւեն աշակերտներուն որք զանոնք կը նկատեն իբրեւ ճշմարիտ զրօսանք մը :

Յարակից ծրագրին մէջ ուսուցիչք կը գտնեն արդէն բաւական մանրամասնութին մարմամարզի դասերուն շարակարգութեան ու աստիճանաւորման վրայ : Լաւագոյն կ'ըլլայ՝ եթէ , բաց 'ի ծրագրի ցուցումներէն , 'ի ձեռին ունենան , իբր առաջնորդ , մարմամարզի պատկերազարդ գիրք մը որ պիտի օժանդակէ իրենց աշխատութեանց :

Մանչերու ձեռական աշխատութեանը համար , կրթութինք կը բաժնուին երկու խումբի . մին կը պարունակէ այն զանազան կրթութինները որոնք ընդհանուր կերպով սահմանուած են մարզելու մատները եւ անոնց տալու շարժմանց աջողակութին , ճկունութին , արագութին եւ ճշդութին . միւս

խումբը կը պարունակէ կաղապարումի այն աստիճանաւորեալ հրահանգները որոնք իբր լրացուցիչ կը ծառային գծագրութեան ուսման :

Աղջիկներու ձեռական աշխատութինը , բաց 'ի կարի ու ձեւի գործերէն , կը բովանդակէ խել մը դասեր , խրամներ , կրթութիններ որոնց միջոցաւ վարժուհին պիտի առաջադրէ ոչ թէ առտնին տընտեսութեան կանոնաւոր դասընթացք մը ընել , այլ մատաղատի սանուհիներուն ներշնչել , գործնական բազմաթիւ օրինակներով , սէր կարգապահութեան համար , տալ անոնց տանտիկնոջ մը լուրջ յատկութինները , եւ զանոնք ետ կեցունել թեթեւամիտ ու վտանգաւոր ճաշակներէ :

ՄԱՔՐՈՒԹԵԱՆ ԵՒ ԱՌՈՂԶՈՒԹԵԱՆ ԽՆԱՄՔ

1. Ծրագրի պահանջմանց գոհացում տալու համար , վարժապետը կը հսկէ որ մաքրութեան սպասարկութինը կանոնաւորապէս ու մեծ ինամով կատարուի դպրոցի շէնքին մէջ , 'ի հարկին մանր գործերը կատարել տալով նոյն իսկ աշակերտներուն :

2. Զմեռը դասարանին բարեխառնութինը կը պահէ 12 եւ 15 հարիւրմասնեայ աստիճաններու մէջ :

3. Այս եղանակին մէջ , բարեխառնութեան յանկարծական փոխանցումի մը առջեն առնելու

Համար, լաւ կ'ըլլայ որ՝ ամէն դադարէ առաջ, քանի
մը վայրկեան բաց թողուին պատուհանները :

4. Տղոց մեկնելէն ետքը, 'ի հարկին անոնցմէ
մէկուն կը յանձնուի պատուհանները բանալ՝ կա-
տարեալ ընելու համար դասարանին օդաւորումը :

5. Տղոց եկած միջոցին, վարժապետը մի առ
մի կը քննէ զանոնք՝ վստահ ըլլալու համար թէ
անոնց դէմքը, մազերը, ձեռքերը եւ կօշիկները մա-
քուր են, եւ 'ի հարկին չ'ընդունիր զանոնք, մինչեւ
որ ներկայանալի վիճակ մը ցոյց չի տան :

6. Մաքրասէր տղաքները կը քաջալերուին
շարունակելու իրենց վարմունքը :

7. Դասի ժամանակ, վարժապետը կը հսկէ
աշակերտաց կեցուածքին. եթէ գիրքը շատ մօտե-
ցունէ աչքին, տղան կարճատեսութիւն կ'ունենայ .
եթէ մարմինը ուժով կրթնցունէ գրասեղանին վրայ
եւ թեւերը ծալլած պահէ կուրծքին, շնչառական
շարժումները կը նեղուին եւ ձայնը դժուար կ'ելլէ:
Աւելի աղէկ կ'ըլլայ որ, երբ աշակերտները չեն
գրեր, գրասեղանի յենարամնին կրթնին եւ ձեռքերն
ետեւ կոնակին վրայ դնեն :

8. Գալով առողջապահական խրատներուն
որոնց յիշատակութիւնը եղած է ծրագրին մէջ,
անոնք կը վերաբերին բնագիտական եւ բնապատ-
մական գիտութեանց դասերուն՝ աւանդելի եւ Զ.
կարգերուն մէջ: Վարի կարգերուն մէջ այդ խրատ-

ները կը տրուին իրագիտութեան եւ ընթերցանու-
թեան դասերուն առթիւ:

9. Խրատներ տալով բաւականանալու չէ
վարժապետը, այլ փոյթ տանելու է միանգամայն որ
տղաք՝ ամէն պարագայի մէջ՝ ստանան առողջապա-
հիկ սովորութիւններ :

Բ. — ԻՄԱՑԱԿԱՆ ԴԱՍՏԻԱՐԱԿՈՒԹԻՒՆ

ԻՄԱՑԱԿԱՆ ԴԱՍՏԻԱՐԱԿՈՒԹԵԱՆ ԱՌԱՐԿԱՆ

Դիւրին է յատկորոշել իմացական դաստիա-
րակութիւնը զոր ժողովրդական նախնական դպրոցը
կրնայ տալ :

Նախնական դպրոցը սահմանափակ թուով
ծանօթութիւններ կ'աւանդէ միայն: Բայց այդ ծա-
նօթութիւնները այսպէս մը կ'ընտրուին որ, ոչ միայն
մանուկին կ'ապահովեն գործնական ամբողջ գիտե-
լիքը որուն պէտք պիտի ունենայ անիկա կեանքին
մէջ, այլ նաեւ կ'ազդէն իր կարողութիւններուն
վրայ, կը ձեւեն միտքը, կը մշակն զայն, կ'ըն-
դարձակեն եւ ճշմարիտ կերպով կը կազմեն դաս-
տիարակութիւն մը :

Նախնական դպրոցին իտէալը շատ սորվեցնել չէ, այլ լաւ սորվեցնել։ Ամսէ ելլող տղան քիչ բան գիտէ, բայց լաւ գիտէ. սահմանափակ է ստացած ուսումը, բայց մակերեւութային չէ։ Կիսկատար ուսում մը չէ անիկա, եւ անոր տէրը կէս գիտոն մը չիպիտի ըլլայ, վասն զի ուսման մը կատարեալ կամ անկատար հանգամանքը կախեալ է չէ թէ իր մշակած սահմանին աւելի կամ նուազ ընդարձակութենէն, այլ այն եղանակէն որով մշակած է զայն։

Նախնական կրթութինը, նայելով աշակերտաց տարիքին եւ այն ասպարէզներուն որոնց կը սահմանուին անոնք, ոչ ժամանակ ունի եւ ոչ միջոց բոլորել տալու ուսմանց լայն շրջան մը որ կը պահանջէ աւելի երկար ժամանակ. պիտի ջանայ միայն որ աշակերտաց ուսումները, իրենց պէտքերուն յարմարցուած, ծառայութիններ մատուցանեն ապագային անոնց. յետոյ, եւ մանսաւանդ, պիտի ջանայ որ աշակերտք իրենց հետ տանին մտքի լաւ սովորութիններ, բաց եւ արթուն իմացականութին, պայծառ գաղափարներ, դատողութին, խորհրդածելու վարժութին, խորհելու եւ խօսելու մէջ կարգ ու ճշդութին։

«Նախնական կրթութեան առարկան չէ ընդգրկել ամէն ինչ որ կարելի է գիտնալ իր աւանդած այլազան նիւթոց մէջէն, այլ անոնց ամէն մէկէն աղէկ սորվեցունել ինչ որ ներելի չէ անգիտանալ։»

ՄԵԹՈՑ

Անգամ մը որ ուսուցման առարկան սահմանուեցաւ այսպէս, ինքնին կը հասկցուի մեթոտը որուն պէտք է հետեւիլ. այդ մեթոտը չիկրնար ըլլալ ոչ մեքենական հնարքներու շարայարութին մը, ոչ աշակերտութին մը հաղորդակցութեան առաջին գործիններուն—ընթերցման, գրի, հաշիւի—, ոչ ալ ցուրտ յաջորդութինը դասերու որոնք աշակերտին պարզեն ուսման մը այլ եւ այլ գլուխները։

Մինակ մեթոտը՝ որ կը յարմարի նախնական ուսուցման՝ այն է որ փոխն ի փոխ ՚ի հանդէս կը կոչէ ուսուցիչն ու աշակերտները, որ՝ կերպով մը՝ ասոնց եւ ուսուցչն միջեւ կը պահպանէ գաղափարներու անընդհատ փոխանակութին մը, այլազան ճապուկ ձեւերով, հանճարեղ աստիճանաւորումով։ Ուսուցչը կը մեկնի միշտ տղոց գիտցածէն, եւ՝ ծանօթէն անծանօթը, դիւրինէն դժուարը երթալով՝ բերանացի հարցումներու կամ գրաւոր պարտականութեանց շղթայումով, զանոնք կ'առաջնորդէ գլունելու սկզբունքի մը հետեւութինները, կանոնի մը կիրարկումները, կամ փոխադարձաբար, սկզբունքներն ու կանոնները զորոնք արդէն անգիտակցօրէն կիրարկած են։

Այլէն ուսուցման մէջ, ուսուցիչը՝ ՚ի սկզբան,

Նիւթական առարկաներ կը գործածէ, իրերը շօշափել կուտայ եւ կը ցուցնէ, թանձրացեալ իրականութեանց դիմաց կը դնէ տղաքը, յետոյ կամաց կամաց զանոնք կը վարժեցունէ՝ առանց նիւթական օրինակներու օժանդակութեան՝ վերացնելու անոնց գաղափարը, բաղրատութիւն ընելու, հանրացնելու եւ պատճառարաննելու :

Ուրեմն, աշակերտին ուշադրութեան, դատողութեան, իմացական ինքնագործութեան անդադար կոչ ընելով է որ կրնայ յաջողութիւն գտնել նախնական ուսուցումը։ Անիկա էապէս իրազննական ու գործնական է. իր աշխատանքներու, այսինքն ամէն բանէ առաջ կը վստահի ընական ողջմտութեան, բացայայտութեան զօրութեան, այն ընդածին կարողութեան զոր մարդկային միտքն ունի՝ առաջին ակնարկով եւ առանց ապացոյցի ըմբռնելու, ոչ թէ ամէն ճշմարտութիւնները, այլ ամէնէ պարզ եւ ամէնէ հիմնական ճշմարտութիւնները։ Գուշակու, այսինքն երբէք նկատողութենէ չի վրիպեցուներ թէ նախնական դպրոցին աշակերտները պարունակութեան գործութեան, գիտական տեսութիւններով, սքոլաստիկ հետաքրքրութիւններով կորսնցնելու ժամանակ չունին, եւ թէ դպրոցական հինգ կամ վեց տարուան կեանքը չափազանց երկար ժամանակամիջոց մը չէ՝ անոնց աւանդելու համար գաղափարներու փոքրիկ սթերքը որուն անհրաժեշտ պէտք ունին, եւ մանաւանդ

՚ի վիճակի դնելու համար զիրենք որ պահեն զայն եւ աճեցունեն ապագային :

Այս կրկին պայմաններով միայն նախնական ուսուցումը կրնայ ձեռնարկել մտքի դաստիարակութեան ու մշակման. այս ուսուցումը, կերպով մը, իրեն առաջնորդ ունի բնութիւնը. իմացական այլազան կարողութիւնները զուգահեռաբար կը զարգացնէ այս միակ միջոցով զոր իր ձեռքին տակ ունի, այսինքն հրահանգելով զանոնք պարզ, ինքնաբեր, գրեթէ բնագդական եղանակով. դատողութիւնը կը կազմէ, մանուկը առաջնորդելով դատողութիւն ընելու, դիտողութեան ոգին՝ շատ դիտել տալով, տրամաբանութիւնը՝ օգնելով մանուկին ինքնիրեն տրամաբաննելու, առանց տրամաբանական կանոնի :

Այս վստահութիւնը մտքի բնական ուժերուն վրայ որոնք գարգանալու կ'սպասեն, եւ այս հրաժարումը բուն գիտական ամէն յաւակնութենէ՝ կը պատշաճին ամէն տարրական ուսուցման. բայց կը պարտադրուի մանաւանդ ժողովրդական նախնական դպրոցին վրայ որ պիտի ազդէ ոչ թէ առանձին առնուած մի քանի տղոց վրայ, այլ մանկական հօծ բազմութեան մը վրայ։ Նախնական դպրոցին մէջ ուսուցումը հարկաւորապէս հաւաքական ու միասնական է. ուսուցիչը ինքզինքը չի կրնար մէկ քանիներու նուիրել. ամէնուն նուիրուած է անիկա. իր մանկավարժական գործը պէտք է գնահատուի ամ-

բողջ դասարանին վրայ ձեռք բերուած արդինքով
եւ ոչ թէ ընտրելագոյն մասին ցոյց տուած յառաջ-
դիմութեամբը : Իր աշակերտներուն ներկայացուցած
իմացական անհաւասարութիւնները ինչ որ ալ ոլ-
լան, ծանօթութեանց եւ ընդունակութեանց նուա-
զագոյն չափ մը կայ զոր նախնական ուսուցումը
պէտք է աւանդէ ամէն աշակերտաց, հազուադէպ բա-
ցառութիւն համարելով զանոնք որոնք անմատոյց
կը մնան նոյն իսկ այս նուազագոյն չափին . այս չա-
փէն անդին շատ դիւրութեամբ պիտի անցնին ունանք.
բայց նոյն իսկ այդ պարագային, եթէ դասարանին
մնացեալ մասն ալ հասած չէ այն կէտին, կրնանք
ըսել թէ ուսուցիչը լաւ չէ հասկցեր իր գործը կամ
լիովին չէ կատարեր զայն :

Գ. — ԲԱՐՈՅԱԿԱՆ ԴԱՍԻԱՐԱԿՈՒԹԻՒՆ

ԲԱՐՈՅԱԿԱՆ ՈՒՍՈՒՅՄԱՆ ԱՌԱՐԿԱՆ

Բարոյական դաստիարակութիւնը իր նպատա-
կովը եւ իր էական հանգամանքովը հիմնապէս կը
տարրերի դաստիարակութեան միւս երկու ճիւղերէն:
ԱՅՍ ՈՒՍՈՒՅՄԱՆ ՆՊԱՏԱԿՆ ՈՒ ԷԱԿԱՆ
ՀԱՆԳԱՄԱՆՔԸ . — Բարոյական ուսուցումը սահ-

մանուած է լրացնելու եւ միատրելու, բարձրացնելու
եւ ազնուացնելու դպրոցին բոլոր ուսուցումները :
Մինչդեռ միւս ուսումները կը զարգացնեն, իւրա-
քանչիւրը, ընդունակութեանց եւ օգտակար ծանօ-
թութեանց մասնաւոր կարգ մը, սա կը ջանայ զար-
գացնել մարդուն մէջ նոյն ինքն մարդը, այսինքն
սիրտ մը, իմացականութիւնն մը, խիղճ մը :

Ատով իսկ բարոյական ուսուցումը կը գործէ
ուրիշ շրջանի մը մէջ, բոլորովին տարբեր անկէ յո-
րում կը գործէ ուսուցման մնացեալ մասը: Բարոյա-
կան դաստիարակութեան զօրութիւնը նուազ կախ-
եալ է ուսուցուած ճշմարտութեանց ճշգութենէն
եւ տրամաբանական կապակցութենէն քան զգաց-
ման սաստկութենէն, տպաւորութեանց կենդանու-
թենէն եւ համոզողութեան հաղորդիչ ջերմութենէն:
Այս դաստիարակութեան նպատակը չէ ծանօթու-
թիւն այլ հանդւ տալ . աւելի կը յուզէ քան
կ'ապացուցանէ, որովհետեւ պարտաւոր է ազդել
զգայուն էակին վրայ, կը դիմէ աւելի սրտին քան
բանականութեան . ձեռնամուխ շըլլար վերլուծելու
բարոյական գործողութեան բոլոր պատճառները ,
այլ ամէնէն առաջ կը ջանայ 'ի գործ վերածել զայն,
կրկնել զայն, դարձունել զայն ունակութիւն մը որ
կառավարէ կեանքը : Նախնական վարժարանին մէջ
մանաւանդ, գիտութիւն մը չէ այս, արուեստ մըն է .
արուեստ ճկելու ազատ կամքը դէպի բարին :

ՈՒՍՈՒՑՉԻՆ ԴԵՐԸ ԱՅՍ ՈՒՍՈՒՑՄԱՆ ՄԷՋ
—Դաստիարակութեան այս մասը, ինչպէս նաև միւս
մասերը, ստանձնած է ուսուցիչը իբրեւ ներկայա-
ցուցիչ ընկերութեան. ընկերութիւնը արդարեւ ամե-
նին ուղղակի շահը ունի որ իր բոլոր անդամները
անջնջելի դասերով կանուխէն խելամուտ ըլլան
իրենց արժանապատութեան զգացումին եւ իրենց
պարտականութեան ու իրենց անձնական պատա-
խանատութեան ոչ նուազ խորունկ զգացումին :

Այս նպատակին հասնելու համար, ուսուցիչը
ծայրէ ծայր չպիտի սորվեցնէ տեսական բարոյական
մը՝ լծորդեալ գործնական բարոյականի մը, իբրեւ
թէ գործ ունենար այնպիսի տղոց հետ որոնք զուրկ
եղած ըլլային բարույ եւ չարի նախագոյ ո եւ է գի-
տելիքէ. ահագին մեծամասնութիւնը, ընդհակառակը,
անոր քով կուգան՝ արդէն ընդունած կամ ընդունե-
լու վրայ ըլլալով կրօնական ուսուցում մը որ զա-
նոնք կ'ընտելացնէ Աստուծոյ մը գաղափարին հետ,
տիեզերաց հեղինակ եւ մարդոց Հայր Աստուծոյ մը,
կ'ընտելացնէ նոյնպէս Քրիստոնէական դաւանանքի
մը աւանդութեանցը, հաւատալեացը եւ սովորու-
թեանցը հետ, այս դաւանանքին միջոցաւ եւ այն
ձեւերուն տակ որոնք անոր յատուկ են, ամսոնք
արդէն ընդունած են յաւիտենական եւ տիեզերական
բարոյականին հիմնական գիտելիքները. բայց այս
գիտելիքները անոնց մէջ դեռ նորածիլ եւ դիւրա-

բեկ բողբոջի մը պէս են. խորունկ կերպով թափան-
ցած չեն անոնց մէջ, վաղանցուկ եւ շփոթ են, աւելի
ընդնշմարուած քան ստացուած, յիշողութեան
յանձնուած մանսաւանդ քան դեռավարժ գիտակցու-
թեան: Պէտք ունին անոնք, պատշաճ մշակութեամբ
մը, հասուննալու եւ զարգանալու: Այս մշակումն է
զոր հանրային ուսուցիչը պիտի տայ անոր:

Իր պաշտօնը ուրեմն լաւ սահմանագծուած
է. այն է զօրացնել, արմատացնել իր աշակերտաց
հոգիին մէջ, անոնց ամբողջ կենացը համար, եւ
հանապազօրեայ ունակութիւն դարձնել անոնց մէջ,
մարդկային բարոյականութեան այս էական գիտե-
լիքները որոնք կը վերաբերին առհասարակ ամէն
վարդապետութեանց եւ անհրաժեշտ պէտք ունին
քաղաքակրթեալ ամէն մարդու:

Ուսուցիչը կրնայ լնով այս պաշտօնը՝ առանց
անձնական յարում կամ հակառակութիւն ունենալու
եւ ոչ մէկուն հետ դաւանանքի այլազան հաւատա-
լիքներէն որոնց կ'ընկերացնեն ու կը խառնեն իր
աշակերտները բարոյականի ընդհանուր ըսկըզ-
բունքներ :

Ուսուցիչը այս տղաքը կ'ընդունի այնպէս ինչ-
պէս որ կուգան իրեն, իրենց գաղափարներով եւ
իրենց լեզուով, այն հաւատալիքներով զորս ընդու-
նած են ընտանիքէն, եւ ուրիշ հոգ չունենար բայց
թէ սորվեցնել թէ ինչպէս կարելի է անոնցմէ հետեւ-

ցընել ինչ որ կը պարունակեն անոնք ամենաթան-
կագին՝ ընկերական տեսակէտով, այսինքն բարձր
բարոյականութեան մը խրատները :

ԱՅՍ ՈՒՍՈՒՅՄԱՆ ՑԱՏՈՒԿ ԱՌԱՐԿԱՆ ԵԻ
ՍԱՀՄԱՆՆԵՐԸ. — Բարոյական աշխարհիկ ուսու-
ցումը կը տարբերի ուրեմն կրօնական ուսուցումէն
առանց անոր հակառակելու. ուսուցիչը ոչ քահանայի
կը փոխարկուի եւ ոչ ընտանեաց հօր, իր ջանքերը
կը միացնէ անոնց ջանքերուն, որպէսզի տղան ըլ-
լայ պարկեցտ մարդ մը : Պարտաւոր է պնդել այն
պարտականութեանց վրայ որոնք մարդիկը իրար
կը մօտեցնեն եւ ոչ թէ այն կրօնական սկզբունքնե-
րուն վրայ որ կը բաժնեն զանոնք : Աստուածաբա-
նական եւ իմաստասիրական ամէն վիճաբանութիւն
յայտնապէս արգիլուած է իրեն՝ նոյն իսկ իր պաշ-
տօնին բնութեամբը, իր աշակերտաց անշափահա-
սութեամբը, ընտանեաց եւ պետութեան վստահու-
թեամբը . իր բոլոր ճիգը կը կեդրոնացնէ խնդրոյ մը
վրայ որ ոնի ուրիշ բնութիւն, բայց ոչ նուազ դրժ-
ուարին է այն պատճառաւ որ գործնական է բոլո-
րովին. այս խնդիրն է՝ տղաքը անցնել բարոյական
կեանքի իրական աշկերտութենէն :

Ապագային, երբ քաղաքացի ըլլան, թերեւս
բաժանեալ պիտի ըլլան կրօնական գաղափարներով,
բայց գոնէ համաձայն պիտի ըլլան՝ գործնականին մէջ՝
որչափ որ կարելի է բարձր դասելու համար կեանքի

նպատակը, միեւնոյն սոսկումը ունենալու համար
ամէն ստորին ու գծուծ բաներէ, միեւնոյն սքանչա-
ցումը ամէն ազնիւ եւ վեհոգի բաներու նկատմամբ,
միեւնոյն փափկութիւնը պարտուց գնահատման մէջ,
տենչալու համար բարոյական կատարելագործու-
թեան՝ որչափ ալ դժուարին ճիգեր պահանջէ այս
բանը, իրենք զիրենք միացեալ զգալու համար բար-
տյն, գեղեցկին եւ ճշմարտին ընդհանրական պաշ-
տամոնքին մէջ որ է նոյնպէս կրօնական զգացումի
ձեւ մը եւ ոչ նուազ մաքուր ձեւ մը :

Մ Ե Թ Ո Տ Ո Տ

ՄԵԹՈՏԻՆ ԲՆՈՒԹԻԻՆԸ ՀԱՆԴԵՊ ԱՇԱ-
ԿԵՐԾԻՆ. — Որպէսզի բարոյական մշակումը, այն-
պէս ինչպէս բացատրութեաց վերը, կարելի ըլլայ եւ
ազդու ըլլայ նախնական կրթութեան մէջ, պայման
մը անհրաժեշտ է. այն է թէ այս ուսուցումը հաս-
նելու է հոգւոյն խորը, շփոթուելու չէ ոչ կերպովը,
ոչ բնութեամբը, ոչ ալ ձեւովը, բուն դասի մը հետ.
բաւական չէ որ աշակերտին տրուին ուղիղ գիտելիք-
ներ եւ անոր աւանդուին իմաստուն առածներ,
պէտք է յաջողուի անոր մէջ փթթեցնելու զգացում-
ներ այնչափ ճշմարիտ եւ այնչափ զօրեղ որ օգնեն
անոր օր մը, կեանքի պայքարին մէջ, յաղթելու
կրից եւ մոլութեանց : Ուսուցիչն կը պահանջուի



հչ թէ զարդարել տղոն յիշողութիւնը , այլ յուգել սիրտը , զգացնել անոր՝ ուղղակի փորձով մը՝ բարոյական օրէնքին վեհութիւնը . բաւական է միայն եթէ ըսենք որ գործածուելիք միջոցները չեն կրնար նման ըլլալ գիտական դասընթացքի մը կամ քերականութեան միջոցներուն : Անոնք պէտք է ըլլան հչ միայն աւելի ճկոն եւ աւելի զանազան , այլ աւելի ջերմին , աւելի յուղիչ , աւելի գործնական , նուազ վարդապետական , եւ բնութեամբ աւելի ծանր իր ամբողջութեանը մէջ :

Ուսուցիչը բնաւ երբէք մտքէն հանելու չէ թէ իր գործը պիտի ըլլայ մանկան մէջ կազմել բարոյական միտք մը , սրացնել զայն , երբեմն ուղղել զայն , միշտ ամրապնդել . եւ , յաջողելու համար ասոր մէջ , ապահովագոյն տրամադրելի միջոցը վարժապետի մը համար , որ կարճ ժամանակ մը միայն ունի այսքան երկար գործի մը համար՝ է շատ հրահանգել , եւ ծայրայել խնամքով մը , խղճի այս փափուկ գործիքը : Թող սահմանափակուի էական կէտերուն մէջ , թող համառօտ խօսի , բայց յստակ , բայց պարզ , բայց հրամայական եւ համոզիչ կերպով միանգամայն : Պարտաւոր է մէկ կողմ դնել այն ընդունումները որոնք աւելի բարձր ուսուցման մը պիտի յարմարէին , իր ջանքը պիտի ըլլայ մթերել՝ տղոն սրտին ու մտքին մէջ , զոր բարոյական կեանքին համար կուտելու կազմելու

ձեռնամուկս կ'ըլլայ , իր ջանքը պիտի ըլլայ մթերել գեղեցիկ օրինակներ , լաւ տպաւորութիւններ , առողջ գաղափարներ , առողջարար սովորութիւններ եւ աղնիւ տեսչեր , ամէնն ալ բաւական մեծաքանակ . որպէսզի տղան դպրոցէն տանի , տարրական ծանօթութեանց իր դոյզն ժառանգութեանը հետ , աւելի թանկագին գանձ մը , ուղիղ խիղճ մը : ՄԵԹՈՏԻՆ ԲՆՈՒԹԻՒՆԸ ՀԱՆԴԻՊ ՎԱՐԺԱՊԵՏԻՆ . — Երկու բան յատկապէս կը յանձնարարուի վարժապետաց : Մէկ կողմանէ , որպէսզի տղոն մտացը մէջ խորին կերպով դրոշմուի բարոյական օրինաց այս յարգանքը որ ինքնիրենը առանձինն ամբողջ դաստիարակութիւն մըն է , առաջին անգամ պէտք է որ իր նկարագիրովը , իր վարքովը , իր լեզուովը , ուսուցիչը ինքն ըլլայ օրինակներէն ամէնէն համոզիչը : Ուսուցման այս կարգին մէջ , ինչ որ սրտէն չի բղիքիր՝ սրտին չազդեր : Վարժապետ մը որ խրատներ կ'արտասանէ , որ պարտուց վրայ կը խօսի առանց համոզման , առանց ոգեւորութեան , իր աշխատութիւնը չէ որ ի զուր կը վատնէ միայն , աւելի գէշ բան մը կ'ընէ . բարոյականի դասընթացք մը կանոնաւոր , բայց ցուրտ , գոեհիկ եւ չոր , բարոյական չուսուցաներ , վասնզի սիրելի ըներ զայն :

Ամենէ պարզ զրոյցը որոն մէջ տղան անակընկալ կերպով մը կը լսէ ծանր շեշտ մը , միակ ան-

կեղծ բառ մը, աւելի կ'արժէ քան մեքենական դասերու երկար շարք մը:

Միւս կողմանէ, — եւ գրեթէ հարկ չկայ բանաձեւել այս պատուէրը — վարժապետը՝ իբր յոռի գործէ մը, պիտի խոյս տայ ամէն բանէ որ իր լեզովին կամ իր շարժմանը մէջ կրնայ վիրաւորել իր խնամոցը յանձնուած տղոց կրօնական հաւատալիք-ները, ամէն բանէ որ կրնայ խանգարել անոնց միտքը, ամէն բանէ որ մատնանիշ կրնայ ընել զինքը՝ իբրեւ յարգանաց կամ վերապահման զանցառու ոնէէ կարծիքի մը հանդէպ:

Միակ պարտականութիւնը որուն կապուած ըլլալու է — եւ այս պարտականութիւնը հաշտ է ամէն հաւատալիքի յարգանացը հետ — կը կայանայ գործնական եւ հայրական կերպով մը հսկելուն մէջ իր աշակերտաց բարոյական զարգացմանը միեւնոյն հոգածութեամբ որով կը հետեւի անոնց դպրոցական յառաջադիմութեանցը. պէտք է որ անոնց ամէնուն նկատմամբ ալ պարտազանց համարի ինքնինքը եթէ՝ որչափ որ իմացական դաստիարակութեան համար ըրած է, նիյնչափ ալ աշխատած չէ նկարագրի դաստիարակութեան համար։ Ասով է, միայն, որ ուսուցիչը արժանի պիտի ըլլայ Դաստիարակութեան տիտղոսին, եւ նախակը թուլացնը՝ անուանաւութեան անուանը։

Ա. — ՄԱՐՄՆԱԿՄԱՐԶ

Մարմնոյն զանազան մասերը սիսդեմաղիկ կերպով զօրացնելու համար, պէտք է դիմել մարմ-նամարզի մը որ գիտական հիմնու վրայ հաստատուած ըլլայ։ Այդ մարմնամարզը չէ դասական մարմնամարզը որ, թէև շատ յարմար ըմբիչներ հասցնելու, բայց չի նպաստեր մարմնոյն ընդհանուր զարգացման։ Բանաւոր մարմնամարզի մը նպատակը չէ ՚ի վիճակի գնել աղան ծանր բան մը վերցնելու, կոխի մէջ յաղթելու իր ընկերներուն, կամ թէ զանոնք շալկած պտըտցնելու։ Բանաւոր մարմնա-մարզին նպատակն է, նախ, զարգացնել եւ զօրացնել տղուն բոլոր զործարանները, և երկրորդ, աւելցնել տղուն կորովը եւ նպասել անոր կամֆին դասիարակութեան։ Կը հետեւի թէ բանաւոր մարմ-նամարզին նպատակը չէ ըմբիչներ հասցնել, այլ հասցնել հաւասարակիու, քաշառողջ, արիասիրտ, իրենց մարմնոյն և բարոյականին հոգածու, հետեւաբար, իրենց ընասնիքին, հայրենիքին և մարդկութեան օգտակար անհասներ։

Այսօր ապացուցուած է բանաւոր մարմնամարզին բարերար աղդեցութիւնը ընդհանուր առողջութեան, կեցուածքին, միտքին և բարոյականին վրայ։

Այս տեսակ մարմնամարզի մը պէտք ունի մանչն ինչպէս աղջիկը, քաղաքացին ինչպէս գիւղացին։ Պէտք է որ գիւղացի ծնողք միանդամ ընդ միշտ ՚ի բաց թօթափեն սա մտածումը թէ՝ իրենց աղաք

պէտք չունին մարմնամարզի, թէ՝ անոնք պէտք եղածէն աւելի մարմնամարզ կ'ընեն տան և արտերուն մէջ։ Մարմնամարզ կ'ընեն, այս՝ բայց այդ մարմնամարզը չսրբագրեր անոնց ծանրաշարժութիւնը և տձեւութիւնը. արդ, դիւրաշարժութիւնը կարեւոր յատկութիւն մ'է գիւղացին համար, առանց խօսելու մարմնամարզին ընձեռած այն միւս օգուաներուն վրայ որոնք յիշուեցան վերը։ — Գալով կնոջ, անիկա էրիկ մարդուն չափ պէտք ունի կանոնաւոր կերպով զարգացած մարմնոյ մը, թէ մարմութեան յոգնութիւններուն դիմագրաւելու համար և թէ ցեղին աղնուացման տեսակէտէն։

Հոս յանձնարարուած մարմնամարզական դրութեան առաւելութիւններէն մէկն ալ այն է որ անիկա կրնայ կատարուիլ առանց գործիքի, դաշտն, մարդագետնին, դասարանին մէջ։

Վերջապէս, այդ մարմնամարզը հաւասարապէս կը յարմարի թէ մանչերու, թէ աղջկանց, թէև տարիքի և սեռի համեմատ վարժութեանց տեսակը կը փոխուի առաւել կամ նուազ։

1. Դաստիարակը պէտք է հոգ տանի որ հրահանգները կատարելապէս աղէկ կերպով կատարուին։

Սուանց այս պայմանին, մարմնամարզի դասերը ապարդիւն պիտի մնան։

2. Դաստիարակը չպիտի անցնի նոր հրահանգի մը, մինչև որ նախորդը յարմար կերպով կատարուած չըլլայ բոլոր աշակերտներուն կողմանէ։

3. Երբ հրահանգ մը գէլ կատարուած է բազ-

մաթիւ աշակերտներու կողմանէ, դաստիարակը պէտք չէ անոնցմէ իւրաքանչիւրին զատ զատ ուղղել առաջ սխալը, այլ հաւաքաբար, բոլոր աշակերտներուն։ Առ այս, դաստիարակը՝ կամ ինքն անձամբ կը սրբագրէ, կամ աշակերտներէն մէկուն միջոցաւ։

4. Աղէկ է որ իրը օրինակ և իրը դաստիարակին օգնական, ծառայէ մարմնամարզի համար ամէնէն աւելի յարմարութիւն ցոյց տուող աշակերտներէն մէկը։

5. Դաստիարակը պէտք է հոգ տանի որ աշակերտները շատ ուշագիր ըլլան իր խօսքերուն։

Դաստիարակը պէտք է խնայէ իր ոյժը և ձայնը՝ ինչ ինչ հրամաններու համար գործածելով ձեռքի շարժում կամ սուլիչ։

6. Դաստիարակը շատ սէր և եռանդ ցոյց պէտք է տայ դասաւանդութեան մէջ։ Եթէ դաստիարակը անտարբեր կերպով և ակամայ պիտի աւանդէ դասը, աւելի աղէկ է որ տղաք երթան ազատ կերպով խաղան։ Շատ աւելի պիտի օգտուին անոնք այդ խաղերէն քան թէ առանց համոզման և անտարբեր կերպով տրուած մարմնամարզի դասերէն։

Միւս կողմէն, աշակերտները պէտք է հասկընան թէ որոնք են իրենց կատարած հրահանգներուն բնախօսական օգուաները, որպէս զի հաճոյքով և համոզմամբ կատարեն զանոնք։

7. Մարմնամարզի ատեն, տղաք պէտք չէ կրեն ոչ մարմննը սեղմող հագուստ և ոչ ալ վերարկու։

8. Մարմնամարզի դասի պահուն տղաք ոչ ծով ըլլալու են, ոչ նոր ճաշած և ոչ ալ շատ անօթի:

9. Աւելի աղէկ է ամէն օր 10-20 վայրկեան մարմնամարզ ընել տալ (այս պարագային, հրահանդները մաս առ մաս ընել տալով) քանի թէ աւելի երկար ատեն և շաբաթը մէկ երկու անգամ:

10. Դասը պէտք է սկսի չափաւոր հրահանգներով, որոնք պէտք է հետզհետէ աւելի ուժովնան, մինչև դասսաժամուն երկու երրորդ մասը, յետոյ աւելի պիտի մեղմանան, այնպէս որ դասին վերջը ամբողջ մարմինը հանդարտած ըլլայ:

11. Կարելի եղածին չափ, այնպիսի հրահանգներ ընտրել որոնք մարմնոյն միայն մէկ մասը դարդացներու չձգախն, այլ ամբողջ գործարանները. ուրիշ բառերով, հրահանգները կարելի եղածին չափ համադրական ըլլան, և ոչ վերլուծական:

12. Հրահանգներու դժուարութիւնը աւելցը-նելու համար, բաւական է փոփոխել սկզբնական դիրքը. օրինակի համար, ձեռքը ծոծրակին կամ — աւելի ուժով — թեւերը գլխուն վերև տարածել, փոխանակ ձեռքերը ազդրերուն վրայ դնելու:

13. Մարմնոյն մէկ մասով շարժում մ'ըրած ատեն, պէտք է պահել, կարելի եղածին չափ, կանոնական դիրքը՝ մարմնոյն միւս մասերուն մէջ:

14. Հիմնական դիրքը առնելու համար, տղան մարմինը ուղիղ պիտի բռնէ, ուղերը ուղղանկիւնածե, թեւերը մարմնոյն քով, ձեռքերը՝ տափարակ և մասները իրարու մօտեցուցած, Ուժով ետ պիտի տանի ուսերը առանց զանոնք վեր հանելու.

Ներս չպիտի քաշէ փորը՝ առանց յետոյքը դուրս ցցելու. գլուխը բարձր պիտի բռնէ, առանց չափազանցութեան, ծնօտը ներս քաշելով:

15. Երբ դաստիարակը «դադար» հրամայէ, բոլոր աշակերտները միենոյն սրունքը պէտք է առաջացնեն, և միւս սրունքին վրայ կրթնին՝ ամբողջ իրենց մարմինը թուլ ձգելով:

16. Զեռքերը ազդրերուն վրայ դնելու համար, պէտք է մատները իրարու միանան դէպ յառաջ, բթամատերը դէպի ետև:

17. Զեռքերը ծոծրակին վրայ դնելու համար, մատները պէտք չէ իրարու մէջ անցնին, այլ իրենց ծայրերով իրարու դպչին: Գլուխը դէպի առաջ չպիտի երթայ, բարձր պիտի պահուի, արմուկները ուժով դէպի ետ պիտի երթան՝ այնպէս որ կուրծքը լայննայ:

18. Զեռքերը ուսերուն վրայ դնելու համար, պէտք է ուսերը ետ մղել և միենոյն ատեն արմուկները կարելի եղածին չափ իրարու մօտեցնել:

Այս էական սկզբունքները դաստիարակաց ուշադրութեան յանձնելէ վերջ, իբր առաջնորդ՝ հոսկը նշանակենք, զանոնք բացատրելով, այն հրահանգները օրոնք հիմք կը կազմեն բանաւոր մարմնամարզին: Այդ վարժութեանց կարգը պէտք չէ փոխել:

ՀՐԱՀԱՆԳԻ Ա. — Բազուկներու կողմնակի բարձրացում. — Մարմնոյն տալ հիմնական դիրքը (տես վերը, թիւ 14): Թեւերը վեր հանել կողմնակի, ափերը վար, քիչ մը դադար, յետոյ վար իջե-

ցընել թեւերը և սկզբնական դիրքը տալ անոնց : Երբ թեւերը կը բարձրանան, խորունկ կերպով շընչել քիթով . երբ թեւերը վար կ'իջնեն, արտանչել բերնով :

Սղէկ տարածել և ետ տանիլ թեւերը : — Այս հրահանգը կ'արագացնէ չնչառութիւնը և կը զօրացընէ գլխաւորաբար ուսի և թեւին վերի մասին մկանունքը :

ՀԲԱՀԱՆԳ Բ. — Ոտերուն ծայրին վրայ բարձրանալ . — Զեռքերը ազդրերուն վրայ (տե՛ս վերը թիւ 16) . — Ոտքերուն ծայրերուն վրայ բարձրանալ, քիչ մը դադար, կռունկները գետինը դնել : — Այս հրահանգը կը զօրացնէ գլխաւորաբար բումբերուն մկանունքը :

ՀԲԱՀԱՆԳ Գ. — Գլուխը ծոել . — Զեռքերը ազդրերուն վրայ . — Գլուխը ծոել դէպի ետ՝ դանդաղորէն, քիչ մը դադար, գլուխը ծոել դէպի առաջ, դադար, վիզը աղէկ երկարել : — Այս հրահանգը կը զօրացնէ գլխաւորաբար վիզին մկանունքը :

ՀԲԱՀԱՆԳ Դ. — Գլուխը դարձնել . — Զեռքերը ազդրերուն վրայ . — Գլուխը դէպի ձախ դարձնել՝ դանդաղորէն, դադար . գլուխը դարձնել դէպի աշ, դադար : — Այս հրահանգը կը զօրացնէ գլխաւորաբար սիեռումասիօիսիկն և դուքսի կոչուած մկանունքը :

ՀԲԱՀԱՆԳ Ե. — Բազուկները ծոել եւ տարածել . — Հիմնական դիրք . — Զեռքերը դէպի ուսերը տանիլ, թեւերը տանիլ կողմանակի . ձեռքերը դէպի ուսերը տանիլ նորէն, թեւերը տարա-

ծել ուղղաձիգ . ձեռքերը դէպի ուսերը տանիլ նորէն, ձեռքերը տարածել դէպի վար : — Այս հրահանգը կը զօրացնէ գլխաւորաբար թեւերուն և ուսերուն մկանունքը, դիւրաթեք կ'ընէ դանաղան ոսկրազողերը :

ՀԲԱՀԱՆԳ Զ. — Իրանը ծոել . — Զեռքերը ազդրերուն վրայ, ոտքերը իրարմէ ձուու : — Մարմնոյն վերի մասը դէպի առաջ տանիլ, կռնակը աղէկ մը ներս մացուցած, յետոյ դէպի ետ, առանց ծունկերը կքելու և գլուխը վեր բռնելով : — Կը զօրացնէ կռնակին և փորին մկանունքը :

ՀԲԱՀԱՆԳ Է. — Կողմնակի խոնարհմունք . — Զեռքերը ազդրերուն վրայ, ոտքերը բաց : — Մարմնոյն վերի մասը դէպի ձախ տանիլ, յետոյ դէպի առաջ, միայն ուղղաձիգ դիրքով, այսինքն առանց մէկ ուսը միւսէն աւելի առաջացնելու, առանց ծունկերը կքելու, գլուխը ուղիղ բռնած : — Կը զօրացնէ գլխաւորաբար կողի մկանունքը :

ՀԲԱՀԱՆԳ Ը. — Իրանի գալարմունք . — Զեռքերը ազդրերուն վրայ, ոտքերը գոց . — Մարմնոյն վերի մասը դէպի ձախ, յետոյ դէպի աջ դարձնել՝ առջեւի կողմէն : Ծունկերը սիրոկ բռնել և ոտքերը միացած : Զանալու է որ մարմնոյն ստորին մասը (ազդրերէն վար) չարժի : — Կը զօրացնէ գլխաւորաբար շեղ մկանունքը :

ՀԲԱՀԱՆԳ Թ. — Սրունեները ծոել . — Զեռքերը ազդրերուն վրայ : — Ոտքերուն ծայրին վրայ բարձրանալ, սրունքները ծոել ոտքերուն ծայրին վրայ մնալով, նորէն բարձրանալ՝ միշտ մնալով ոտքերուն ծայրին վրայ . կռունկները գետինը դնել : Աը-

բունքները ծռելու ատեն, ծունկերը պէտք է աղէկ մը բացուած մնան, իրանը բոլորովին ուղիղ: — Կը զօրացնէ գլխաւորաբար բարձերուն և բումբերուն ձգափէ մկանունքը և դիւրաթեք կ'ընէ ոսկրազողերը:

ԶՅՈՍՍՆԻՑ, ԽՍ.Դ.

1. Խաղերը պատուական միջոց մըն են աշակերտները ուսումնասիրելու: Դաստիարակը, զրօսանքի միջոցին, այս ինչ տղուն մէջ կը գտնէ մինչև այն ատեն իրեն անձանօթ մնացած բարեմասնութիւն մը՝ որմէ պիտի կրնայ օգտուիլ իր կրթիչի գործին մէջ. ուրիշ տղուն մը մէջ պիտի գտնէ թերութիւն մը զոր իրմէ ծածուկ պահած էր անոր փութաջան աշխատասիրութիւնը:

2. Բայց որպէսզի դպրոցական խաղերը աշակերտներու ընաւորութիւնը ուսումնասիրելու միջոց մը կարենան ըլլալ, պէտք է որ աշակերտները աղատորէն անձնատուր ըլլան իրենց խաղին, հրակողութեան տակ չզգան ինքզինքնին՝ որպէսզի անոնք երեւին դաստիարակին այնպէս ինչպէս են իրապէս, առանց կեղծիքի: Մնաց որ, հարկադրուած խաղերը հրապոյր չունին, ընդհանրապէս, աշակերտներու համար:

3. Կը հետեւի թէ դաստիարակը պէտք չէ միջամտէ աշակերտաց խաղերուն. կամ, եթէ երբէք միջամտէ, պէտք է որ աշակերտները անոր մէջ տեսնեն պարզ խաղակից մը, և ոչ՝ իրենց դաստիարակը: Եւ որովհետեւ դժուար է որ պարզ խաղա-

կիցի մը ազդեցութիւնը ընէ դաստիարակը իր աշակերտներուն վրայ, դաստիարակը պէտք չէ մասնակցի իր աշակերտներուն խաղերուն, այլ պիտի բաւականանայ դիտելով զանոնք՝ խաղի միջոցին, աշալուրչ հսկելով որպէսզի արկած մը չպատահի և արգիլելով՝ յայտնապէս վտանգաւոր խաղերը: — Այսու հանդերձ բարձր դասարաններու աշակերտաց խաղերուն, կամ մանաւաճող սբորդներուն, կրնայ և պարտի մասնակցիլ դաստիարակը:

4. Եթէ դաստիարակը, ընդհանրապէս, պէտք չէ մասնակցի իր աշակերտներուն խաղերուն, պարտի, սակայն, քաջալերել դպրոցական խաղերը, որովհետեւ պատուական միջոց մըն են անոնք դաստիարակութեան: Ստուգին, բաց օդի խաղերը մարմնամարզական ընտիր հրահագներ են, որովհետեւ կը մարզեն թոքերը՝ առողջապահական լաւագոյն պայմաններու մէջ, կը զօրացնեն մկանունքը, կանոնաւոր շարժումներ ընել կուտան անդամներուն, կը որեն զգայարանքը և ջղային դրութիւնը, ամբողջ մարմնոյն, շարժու ձեւերուն, գնացքին կուտան չնորհ, վայելչութիւն, դիւրաթեքութիւն: Բարոյական տեսակէտով, խաղերը կը դաստիարակեն կամքը, կուտան յանդգնութիւն, յարատեւութիւն, անձնավասահութիւն, ձեռներէց ոգի, կը մշակեն համերաշխութեան ոգին, կը սովորեցնեն հրամայել առանց ամբարտաւանութեան և հսաղանդիլ առանց սարկութեան: Վերջապէս խաղերը առանց ազդեցութեան չեն մտքին վրայ ևս, որուն դատելու կարողութիւնը կը զարգացնեն:

ԶԵՄԱԿԱՆ ԱՇԽԱՏԻԹԻՒՆ

(Մանչ Ցղայց)

1. Դպրոցին պարտականութիւնն է մանուկին մէջ բոլորանկատ զարգացունել մարդն ամբողջ այսինքն ընդլայնել և ամրապնդել իրաց ծանօթութիւնը. ուղղել կամքը և մշակել աշակերտին գեղեցկագիտական զգացումը:

2. Այս նպատակին համելու համար շատ կարեւոր միջոց մըն է ձեռական աշխատութիւնը որ իբր նոր ոյժ կը ներկայանայ մեզի և զոր հարկ է անպատճառ մտցունել դպրոցին մէջ:

Ձեռական աշխատութիւնը կը ծառայէ.

3. Իրաց ծանօթութեան. քանզի աւելի պայծառ ու աւելի ճշգրիտ կը դարձնէ զայն առարկայից յօրինումով, ինչպէս նաև դիտողութեամբը այն յատկութեանց և օրինաց որոնք կը տիրեն նախական նիւթին ձեւակերպումն մէջ.

4. Կամքին զարգացման և առաջնորդութեան. քանզի կ'աւելցունէ վճռողական ոյժը, կուտայ ունակութիւն յարատե աշխատութեան, կը ճանչցունէ այն հաճոյքը զոր այս զբաղմունք կրնան հայթայթել, կը խափանէ այն մոլութիւնները որոնք անդարմանելի աւերներ պիտի գործէին՝ փիզիդական, իմացական և բարոյական եռակի սահմաններուն մէջ.

5. Կ'աճեցունէ ձեւի զգացումը և կը մշակէ գեղեցկագիտական իմացողութիւնը. քանզի թանձրացեալ իրերու կը պատշաճեցունէ՝ արդէն ստաց-

ուած ծանօթութիւնները. պատշաճեցում որ գեռաափի գործաւորին դիւրութիւն կ'ընծայէ՝ լաւ ընարրուած օրինակներու գործածութեամբ աւելի ճշգրտութիւն ձեռք բերելու՝ ի մասին ձեւին բնութեան ու գեղեցկութեան:

3. Ձեռքը պէտք է առաջնորդէ մտքին, և միտքը պէտք է առաջնորդէ ձեռքին:

4. Ձեռական աշխատութիւնը պէտք է ամբողջացուցիչ մասը կազմէ մարմնակրթանքին. պէտք է ըլլայ մարզանք մը ձեռքին ու աչքին համար:

5. Որովհետև նախնական վարժարանին մէջ արուած ամէն ինսամքներու կէտ նպատակին ընդհանուր դաստիարակութիւնն է. կը հետեւի ուրեմնթէ ամէն ուսուցում որ չի հետամտիր այս արդիւնքին համելու և կը ճգտի մասնաւորուելու, վնասակար կը դառնայ ընդհանուր զարգացման: Ձեռական աշխատութեան դասերը փոխարկուելու չեն արհեստագիտական դասերու:

6. Ձեռական աշխատութիւնը և դպրոցական աշխատանոցը պէտք է նպաստաւոր աղեցցութիւն մը ունենան աղոց դաստիարակութեանը վրայ և փոքր հասակէն, ծնուցանեն անոնց մէջ յօժարութիւն կատարելու պարզ ու պարկեշտ զբաղումներ:

7. Ձեռական աշխատութիւնը պէտք է հաւասարակութիւն հաստատէ մտաւոր գործունէութեան և ֆիզիդական գործունէութեան մէջ, և իբր օժանդակ ծառայէ ընդհանուր ուսուցման՝ նուազցամաք և աւելի կենդանի դարձունելով զայս:

8. Ձեռական աշխատութիւնը դաստիարակին կը հասկցունէ աւելի ճշգրիտ կերպով մը, իր աշական պատշաճեցունէ աւելի ճշգրիտ կերպով մը,

կերտին ընդունակութիւնները և թոյլ կուտայ անոր որոշելու աւելի վստահօրէն այն ձամբան որուն հարկ պիտի ըլլայ հետեւիլ :

9. Դպրոցին մէջ ձեռական աշխատութեամբ, կանուխէն տղուն կը ներչնչուի յարգանք աշխատութեան և աշխատաւորին նկատմամբ :

10. Ձեռական աշխատութիւնը մանուկին կը հայթայթէ, ոչ միայն իմացական օգուտ մը, այլ և անոր կ'ընծայէ նիւթական առաւելութիւններ։ Գործաւորները աւելի ճարտար կ'ըլլան, կրնան աւելի բարձր ձգտումներ տածել, և 'ի փոխարէն իրենց աշխատութեան արդիւնքին՝ տեհնչալ աւելի բարձր թոշակի։

11. Դպրոցին մէջ ձեռական աշխատութիւն մացունելով կը բարձրացունենք ժողովրդական ամբոփին ընկերական մակարդակը։ Բոլոր աշխատաւորները կարող կ'ընենք լրացունել՝ աւելի խոնականութեամբ և աւելի քաջատեսութեամբ, կեանքի պարտականութիւնները և տիրանալ օր մը իրենց անկախութեան՝ արտադրիչ ընկերութիւններ կազմելով կամ ուրիշ միջոցներ գործածելով։

Մ Ե Թ Ո Տ

Մարդ ստեղծուած է գործելու համար։ բայց ոչ թէ աննպատակ գործելու համար։ Բան մը արտադրելու համար կ'աշխատի։ Եթէ որոշ նպատակի մը համար չաշխատցունենք զանի, շուտով կը յոդնի, ակամայ կ'աշխատի և վերջապէս կը դադրի։

Այս պատճառաւ, երբ տղայ մը միջակօրէն հրահանգուած է քանի մը ձեռական, հաշուական, գեղագիտական սկզբունքներու, պէտք է շինել տալ անոր առարկայ մը որուն մէջ կիրարկուած տեսնէ տղան այդ սկզբունքը, և որ իրեն սեպհականութիւնն ըլլայ։ անով շատ երջանիկ պիտի զգայ ինքվինքը, ընտանիքն ալ անմասն չպիտի մնայ այդ երջանկութեան։

նար իրենց աշակերտաց աւանդելով միմիայն սկըզբունքներ։ այլ անմիջապէս ետքը կը ջանան այդ սկզբունքներուն գործադրութիւնն ընել տալու։ Տղայ մը անմիջապէս որ սորվի քանի մը գիր ճանչնալ, կարդալ կուտանք անոր, անմիջապէս որ սորվի քանի մը թիւեր համրել ու կարդալ, ինդիրներ լուծել կուտանք անոր։ Նոյն իսկ յաճախ կը փոխենք կարգը, գործադրութենէն կ'ոկանք նախ, անկէ հետեւցնելու համար սկզբունքը։

Պէտք է նաև ամէն աշխատութեան մէջ ի նկատի ունենալ մարդուն բարոյական մէկ տրամադրութիւնը որուն դէմ ամէն մաքառում անօգուտ է։ Մարդ ոչ միայն կ'աշխատի արտադրելու համար, այլ մանաւանդ կարելի եղածին չափ շուտ վայելելու համար իր աշխատութեան արդիւնքը։

Նոյն իսկ կը հրճուի միմիայն ի տես իր աշխատութեան, զոր օրինակ ի տես տախտակին զոր յղկեց, երկաթի կտորին զոր դարբնեց, կամ ակօսին զոր գծեց, վասն զի գործաւորը, ինչ կարգի ալ պատկանի, իր երեւակայութեանը մէջ խացեալ կը տեսնէ ապագայ արդիւնքը որ գոհացում պիտի տայ իր փափաքներուն։

Այս պատճառաւ, երբ տղայ մը միջակօրէն հրահանգուած է քանի մը ձեռական, հաշուական, գեղագիտական սկզբունքներու, պէտք է շինել տալ անոր առարկայ մը որուն մէջ կիրարկուած տեսնէ տղան այդ սկզբունքը, և որ իրեն սեպհականութիւնն ըլլայ։ անով շատ երջանիկ պիտի զգայ ինքվինքը, ընտանիքն ալ անմասն չպիտի մնայ այդ երջանկութեան։

ՕՐԻՆԱԿ. — Զեռագործական աշխատութեան ամենէն լաւ մեթոսը անօգուտ կը մնայ՝ եթէ ուսուցիչը իրեն օժանդակ չունի օրինակներու հաւաքածոյ մը, որ կազմուած պէտք է ըլլայ մանկավարժական պահանջմանց համեմատ, այսինքն պէտք է տրամաբանական, պատճառաբանեալ եղանակաւ մը, ներկայացնէ մեթոսին համադրութիւնը, աստիճանաբար գործադրէ սկզբունքը և յաջորդաբար ներկայացունէ այլազան դժուարութիւնները, գըլխաւոր զուգադրութիւնները և ամենէ գործածական յօրինումները:

Այդ հաւաքածոն պէտք է կազմին գործածական առարկաներ, մանուկին ընտանի շրջանակէն ընտրուած՝ տունէն, դպրոցէն ու դաշտէն. դգալ, գրիւ, վառարան, — քարետախտակ, գիրք, գրասեղան, — բահ, արօր, սայլ:

Նաև օգտակար դիտոլութիւն մը. — Գծագրութեան և ձեռական աշխատութեան դասերը համբնթաց քալելու են, այնպէս որ օգնեն իրարու:

Զեռական աշխատութեան ոչ մէկ առարկայ պէտք է յօրինուի, եթէ նախապէս տղան մասնաւոր յատուկ տետրակի մը մէջ չէ շնած՝ իրբւ օրինակ ծառայելիք առարկային երկրաչափային գծագրութիւնը, ուղղաձիգ հատածը և հորիզոնական հատածը:

ՈՒՍՈՒՑԻՉԸ. — Զեռական աշխատութեան նպատակն ըլլալով օժանդակել տղուն ընդհանուր դաստիարակութեան և ոչ թէ մասնաւոր արհեստի

մը պատրաստել զանի, հարկ չի կայ որ մասնագէտ արհեստաւոր մը կոչուի այս դասն աւանդելու:

Նոյն ինքն ուսուցիչը կրնայ ստանձնել այս դասը և զայն աւանդել արդիւնաւորապէս. Կը բաւէ որ իր տրամադրութեան տակ ունենայ աղէկ շարակարգուած օրինակներու հաւաքածոյ մը, և զիտնայ զանազան գործիքներու գործածումը, տեղեակ ըլլայ գլխաւոր զուգադրութեանց, ամենէն սովորական յօրինումներու, որպէս զի կարող ըլլայ օգտիւ վարել աշակերտաց ձեռական աշխատութիւնները:

Արհեստագէտ գործաւորներ նախնական վարժարանին մէջ շատ միջակ ուսուցիչներ պիտի ըլլային և չպիտի յաջողէին բաւական յստակութեամբ, բաւական ծշդութեամբ և բաւական համբերութեամբ ցոյց տալ այս աշխատութեանց տարրական գործողութիւնները. Այս սկզբնական ուսուցումը շատ քիչ հրապոյր պիտի ունենար անոնց համար:

Ծնդհակառակը, ուսուցիչները հաճոյքով կը զբաղին այդ ուսուցմամբ և ընդհանրապէս կը յաջողին:

Ի հարկին չորս հինգ շաբթուան գործնական ուսումնասիրութիւն մը կարող պիտի ընէ զիրենք գոհացուցիչ պայմաններու մէջ ուսուցանել ձեռական աշխատութիւնը:

ԶԵՌԱԿԱՆ ԱՇԽԱՏՈՒԹԻՒՆ

(Աղջկանց)

Այն հայեցակետը, զոր ունեցանք մանչ տղոց ձեռական աշխատութեան համար, պիտի տիրէ նոյն պէս աղջկանց ձեռական աշխատութեան մէջ։ Աշխատութիւնք պիտի ունենան գլխաւորապէս դաստիարակիչ հանգամանք, և պիտի հետեւին նոյն մանկավարժական սկզբունքներուն զորոնք յիշեցինք արդէն ի վերև։

Հականը պիտի նախադասուի երկրորդականին, կար, կարկտուք, գուրպայ, գործնական պարզ հանդերձեղէնի ու ճերմակեղէնի ձեւում և յօրինում. ահա քանի մը բառով, այն աշխատութիւնները որոնցմով պէտք է զբաղեցունել աշակերտունիները, որպէս զի ապագային տանտիկին և մայր ըլլամն, չի շուարին իրենց պարտականութեանց կատարմանը մէջ, և սիրով ճաշակով լրացունեն զանոնք՝ առանց պէտք ունենալու ատոր համար դիմել ուրիշին օգնութեան։

Այս ընդհանուր ակնարկէն ետքը, աւելորդ չենք համարիր քանի մը բառով գծել այն ընթացքը որուն պիտի հետեւի վարժուհին դասարանին մէջ։

1. Վարժուհին կը հակէ աշակերտունեաց կեցուածքին, որպէս զի առողջութեան վխասակար դիրք մը չառնեն։

2. Յետոյ կը բացատրէ դասին նրւթը, երբեմն տախտակին վրայ գծելով և ցոյց տալով օրինակները որոնց նմանութիւննը պիտի արտադրեն։

3. Իր բացատրութիւնները կրկնել կուտայ մէկ կամ երկու աշակերտունիներու և կը հրաւիրէ զանոնք որ իրենց կարողութեան փորձը տան հրամայուած աշխատութեան մէջ՝ իրենց ընկերակիցներուն ներկայութեան։

4. Անգամ մը որ ապահով ըլլայ թէ դասը հասկցուած է, սկսիլ կուտայ աշխատութիւնը՝ ամէնուն։

5. Վարժուհին պէտք չէ անկարեւոր համարի իրագիտական ծանօթութիւններ տալ աշխատութեան մէջ մտած նիւթոց ամէն մէկուն վրայ. գերձան, ասեղ, բուրդ, կերպաս, կտաւ, ևն։

6. Այս աշխատութեան միջոցին, վարժուհին կը պարտի գրասեղաններուն շարքին մէջ, և հասարակաց սխալները կը սրբազրէ հրապարակաւ, իսկ իւրաքանչիւրին սխալները մամնաւոր կերպով, առանձին։

7. Դասին վերջին մասը կը նուիրուի Յուշատեար-նկարատեարի (ալպոմ) կազմութեան։ Աշակերտունիներէն ամէն մէկը կ'ունենայ գծագրութեան թղթով շինուած մեծաղիր տետրակ մը, որուն մէջ, հետզետէ կը հաստատէ իր աւարտած ձեռագործը և կը կատարէ դասին վերաբերեալ ձեւագծումները, կը թուագրէ զանոնք և կուտայ ի ստորև պատշաճ համառօտ բացատրութիւններ։

8. Զեռական աշխատութեան դասերը, Առանին տնտեսութեան ուսուցումը, և, եթէ կարելի

է, խոհարարական պարզ հրահանգներ փոխն ի փոխ աւանդուելու են աղջկանց՝ տեղական պիտքերու և առողջահական պահանջմանց սահմաններուն մէջ :

ԳԾԱ.ԳՐՈՒԹԻՒՆ

ԿԱՐԵՒՈՐՈՒԹԻՒՆԸ ԵՒ ՆՊԱՏԱԿԸ

Գծագրութեան ուսումովն է մանաւանդ որ կը զարգանայ ու կը զօրանայ տեսանելիքը, մեր հինգ զգայարանաց ամենէ կարեւորն ու ամէնէ հիանալին:

Զիւքը, որ մեր ամէն գործողութեանց շատերուն մէջ անհրաժեշտ օժանդակ մըն է, կը կատարելագործուի աչքին հետ, և՝ զծագրութեան միջոցաւ, աւելի ճապուկ, աւելի դիւրաթեք ու աւելի ապահով կը դառնայ:

Գծագրութեան գլխաւոր նպատակն է ուրեմն նախ կրթել աչքն ու ձեռքը, այս երկու գործիքները, զորս գործնական կեանքի մէջ կը գործածենք ամէն վայրկեան, և յետոյ սորվեցունել մեզի մեր խորհուրդը յայտնել դիմերու միջոցաւ :

Սակայն, ձեռքը կրթելով ու աչքը մարզելով հանդերձ, գծագրութիւնը կը նպաստէ՝ տղուն հասկըցնելու գեղեցիկն պայմանները և արուեստին սկզբունքները: Ասկէ զատ՝ աւելի աշխայժ և աւելի ուղիղ կ'ընէ երեւակայութիւնը:

Միեւնոյն ժամանակ, այս ուսումը կը համապատասխանէ մանուկին մէջ ամէնէ աւելի շեշտուած հակամիառութիւններէն մէկուն, քանի որ ամէն արդայ կը սիրէ պատկերը և տեսնդագին հետաքրքրութիւնով հետամուտ կ'ըլլայ անոր:

Գծագրութեան վարժութիւնները իրենց կիրառումը և օգտակարութիւնը դպրոցէն իսկ կ'ոկտինց տալ՝ գրավարժութեան ու երկրաչափութեան գասերուն մէջ: Մասիմոր գործածելու վարժուածակերտներն են որ ամէնէն գեղեցիկ գիրը կունենան և երկրաչափական ամէնէն մաքուր ձեւագծումները կը կատարեն:

Բայց գլխաւորաբար ապագային մէջ է որ երբ արհեստաւոր գառնայ՝ պիտի քաղէ գծագրութեան օգուտը: Շատ մը արհեստներ անհրաժեշտ կերպով այս ճիւղին ծանօթութիւնը կը պահանջեն, և այսօր հետզհետէ կ'աւելնայ թիւն այն արհեստաւորներուն որոնք իրենց դռները չեն բանար գծագրութեան անվարժ գործաւորներուն առջեւ:

Երկրագործին ալ օգուտ մը կ'ընծայէ՝ արդեօք գծագրութիւնը: — Այս մասին տարակուսելու համար, պէտք էր բոլորվին անգիտանալ կեանքի պայմանները որոնց տակ կ'ապրին գիւղացիները: Ո՞րն է այն հողագործը որ երբեմն պէտք չունենայ աչքէ անցունելու յատակագիծ մը կամ քարտէզ մը, վարելու շինութիւն մը և հսկելու անոր վրայ: Նոյն իսկ եթէ պարզապէս գործիք մը շինել տալու պէտքը զգայ, այն պարագային ալ՝ հասկցնելու համար իր միտքը և լրացունելու համար իր բացատրութիւնները՝ կը պարտաւորի յաճախ դիմել մատիտին:

Թղթի կտորի մը վրայ աճապարանքով ուրուագրուած մի քանի գիծեր շատ անգամ աւելի լաւ կը հասկցնեն մեր գաղափարը քան թէ ամէնէն մանրամասն բացատրութիւններ: Ամէն օրուան փորձառութիւնը կը հաստատէ այս բանը:

Գծագրութեան ուսուցման մէջ ուսուցիչը ի՞նչ նպատակ պիտի ունենայ ուրեմն։ Անտարակոյս այդ նպատակը չը պիտի ըլլայ՝ նկարչի կոչում ունեցող տղաքը երեւան բերել, արուեստագէտներ կազմել, այլ օգտակար դառնալ առ հասարակ ամէն տղոց՝ անոնց խրաքանչիւրին դիւրամատչելի և պատշաճ ուսուցում մը աւանդելով։ Պէտք է նախ ջանայ ուրեմն դպրոցականին աչքն ու ձեռքը կազմել, անոր մէջ գեղեցկին ճաշակը զարգացնել, յետոյ կարող ընել զանի յատակագիծ մը մնիսելու և կազմելու, վերջապէս գործիքներու ուրուագիրներ գըծելու, կամ օրինակի մը համաձայն, կամ բնականէն, և կամ երեւակայութեամբ։

ՄԵԹՈՏ

1. Գծագրութեան առաջին վարժութիւնները կրնան ծառայել իր նախապատրաստութիւն գրավարժութեան դասերուն, որոնք կ'սկսին գծերով ու երկրաչափական ձեւերով և այնպէս մը յառաջ կը տարուին որ սկսնակ մանուկը առաջնորդեն գրելու ընթերցանութեան տիպար-բառերը կամ այրուբէնի տառերը։

2. Իր առաջին շրջանին մէջ՝ գծագրութիւնը, ուրեմն, ամենէն առաջ սերտ առնչութիւն մը պիտի ունենայ գրի սկզբունքներուն և երկրաչափական տարրերուն հետ։ Այս պատճառաւ ուսուցիչը, այս դասերէն օգուտ պիտի քաղէ տղոց ճանչցունելու գիծերուն տեսակներն ու անունները, եռանկիւն, քառանկիւն ու բազմանկիւն ձեւերն իրենց առանձ-

նայատկութիւններով ու անուններով։ Իրաց վրայ պիտի ճանչցունէ տղուն՝ երկրաչափական ձեւերէն ամէն մէկը, և ցոյց պիտի տայ միանգամայն թէ ի՞նչպէս կը ներկայացուին անոնք գծերով։

3. Առաջին շրջանին մէջ, ուսուցիչը պիտի գործածէ տպուած կամ ձեռքով գծուած օրինակներ. ասոնց ներկայացուցած առարկաները աշակերտներուն պիտի ցուցունէ՝ բացատրելու. համար միայն օրինակին նշանակութիւնը, դիտել ու բաղդատել տալով օրինակն ու առարկան։

Բայց երբ տղաքը հեռանկարի մէկ քանի դիտելիքներ ստանան, կրնայ այն ատեն գծագրել տալ ուղղակի առարկաներու կամ քանդակներու վրայէն։ (Տես հատուած 7)։

4. Ուսուցիչը երբեմն երբեմն պէտք է թերագրէ գծագրելի նիւթեր՝ առանց աշակերտին աչքին դիմացը զնելու ուեէ օրինակ։ Զոր օրինակ, կրնայ առաջարկել որ շինեն ուրուագիծը կամ յատակագիծը պատուհանի մը, գործիքի մը, շէնքի մը, որոնց գլխաւոր հիմնակէտերը կ'օրոշէ ինսամով։ Կրնայ նաև պահանջել աշակերտէ մը որ իր ընկերակիցներուն թելագրէ օրինակ մը։ Թելագրեալ գծագրութեան այս հրահանգներով տղան կը սորվի գիծերուն անունները և գծագրական լեզուին տարերքը։ Անոնք միջոց մը կ'ըլլան միանգամայն մշակելու երեւակայութիւնը և ճաշակը։

5. Վերջապէս յիշողութեան հրահանգներ կըրսան՝ իր օժանդակիչ միջոցներ՝ իգործ դրուիլ գծագրութեան ուսուցման մէջ։ Այս նպատակաւ, պէտք է պահանջել աշակերտներէն որ առանց օրինակի

շինեն, թուղթի կամ քարէ ապատակի վրայ, այնպիսի նիւթեր զորս արդէն ընդօրինակած են: Յիշողութեամբ կատարուած այս գծագրութիւններով ուժգնորդն պիտի արթինայ իրենց ուշադրութիւնը և պիտի գրգռուի իրենց վերլուծական ողին: Այս կերպով պիտի վարժուին մօտէն տեսնելու, քննելու և վերլուծելու իրենց աշխատութիւնը: Աւելի լաւ յիշելու համար այս ձեւերը, պիտի պարտաւորուին հասկնալ զանոնք և աղէկ խելամուտ ըլլալ անոնց:

6. Թելադրեալ գծագրութեան և յիշողութեամբ արտագրութեան այս հրահանգներուն վրայ կարելի է օգտակարապէս աւելցունել՝ որոշեալ նիւթի մը վրայ հնարողութեան հրահանգներ: Այսպէս դիւրին պիտի ըլլայ աշակերտաց ընդունակութիւնները դատել և իրենց ճաշակն ու կարողութիւնը գնահատել:

7. Թղթի վրայ տպագրուած օրինակը կամ գրատախտակին վրայ գծուած օրինակը աշակերտաց աչքին դիմաց դնելը միայն բաւական համարելու չէ, այլ անոնց ներկայութեան, ուսուցիչը ինք գծելու է նորէն օրինակը գրատախտակին վրայ հարկեղած դիտողութիւնները ընելով շինուած մասերուն վրայ: Անկէ ետքն է որ աշակերտները ընդօրինակելու են օրինակը՝ արուած կանոններուն համաձայն:

8. Երբ աշխատութիւնն աւարտի, ուսուցիչը արագ ակնարկ մը կը նետէ աշակերտաց գործերուն վրայ կը մատնանշէ այն սիալները զորս աշակերտաց մեծ մասը ըրած է միանգամայն. իսկ մասնաւ

որ ախալները կը մատնանշէ ամէն մէկուն զատ զատ՝ գրասեղաններուն անցքերուն մէջ պտտելով:

Գ. Բ. Ա. Վ. Ա. Ռ Ժ Ո Ւ Թ Ի Ի Ն

1. Դպրոցական առողջապահութիւնը տակաւին որոշապէս չէ վճռած թէ ուղղո՞րդ գիրը թէ հակեալ գիրը յանձնարարելի է:

2. Բայց գիրին տեսակէն աւելի տղուն մարմոյն գիրքը կարեւորութիւն ունի, ոչ միայն գրավարժութեան, այլև գպրոցական բոլոր աշխատութեանց ատեն: Ուստի դաստիարակը մեծ հոգ պիտի տանի որ աշակերտը ուղիղ նստի նստարանին վրայ, և՝ առանց ձանձրանալու՝ պիտի ուղղէ աշակերտաց մարմնական յոռի գիրքերը:

3. Նոյն աեսակէտով, դաստիարակին պարտականութիւնն է յանձնարարել որ ակնարոյմի մը խնամոց ենթորելուն կարճատես աշակերտները, այսինքն ամէն այն աշակերտները որ չեն կրնար 5 մեղք հեռաւորութենէն կարդալ 7 հազարամեղք բարձրութեամբ տպագրական տառեր:

4. Դաստիարակը, եթէ կարելի է, դասէն առաջ գրատախտակին վրայ կը գրէ օրինակը:

5. Այդ օրինակը հետեւակ կամ անիմաստիօսք մը պէտք չէ ըլլայ, այլ բարոյական առած մը կամ գործնական գիտելիք մը, տղուն մտքին կամ սրտին խօսող խօսք մը:

6. Աշակերտ մը բարձրաձայն կը կարդայ օրինակը, և դասը կ'սկսի խօսակցութեամբ մը օրինակին իմաստին վրայ:

7. Յետոյ դաստիարակը բացատրութիւններ կուտայ դասին նիւթը կազմող տառերը գրելու կասնոններու մասին, և աշակերտներուն կրկնել կուտայ իր բացատրութիւնները :

8. Հիմա կարգը եկած է օրինակը ընդօրինակելու : Դաստիարակը կը յորդորէ տղաքը, իրենց մարմնոյն և տետրակին տալու յարմար դիրքը, այսինքն՝ ողնասիւնն ու գլուխը ուղիղ բռնել, սեղանին եղրէն 5-6 հարիւրորդամեդր հեռու :

9. Դաստիարակը կը կենայ աշակերտներուն դէմը, գրիչը բռնած թթամատով և միջամատով, ցուցամատը վեր հանած : Աշակերտները նոյն դիրքով կը բռնեն գրիչը՝ ձեռքերնին վեր բռնած, որպէսզի դաստիարակը կարենայ աղէկ տեսնել ամէնքը :

10. Դաստիարակին հրամանին վրայ, ցուցամատերը կը խոնարհին, և աշակերտները, որ յարմար դիրքով բռնած են գրիչը, կ'սկսին գրել : Միայն մեկ տող պիտի գրեն ու յետոյ կանգ պիտի առնեն :

11. Մինչդեռ աշակերտները կը գրեն, դաստիարակը կը դիմէ իւրաքանչիւր աշակերտի աշխատութիւնը, դիտողութիւնները կ'ընէ, կը քաջալերէ, կը սրբագրէ տղայոց տետրակիներուն վրայ՝ դորձածելով աշակերտին գրիչը, որպէսզի տղան գիտնայ թէ յանցանքը գրիչնը չէ : Դիտուած ընդհանուր թերութիւնները ընդհանուր սրբագրութեան մը տեղի կուտան՝ գրաստախտակին վրայ : Դիտուած բոլոր թերութիւնները մեկ անգամին պէտք չէ սրբագրել, այլ ամէն մէկ անգամուն մէկ կամ երկու թերութիւն միայն : Պէտք է բացատրել թէ ի՞նչ բանի

մէջ կը կայանայ դիտուած թերութիւնը, ի՞նչ են անոր պատճառները և որո՞նք են այդ թերութիւնը չգործելու միջոցները : Ամրող դասի միջոցին, դաստիարակը պէտք է տղայոց կամքին դիմում ընէ, ուղղել տալու համար մարմնոյն, տետրակին կամ գրիչին դիրքը : Երբ աշակերտները գոհացուցիչ կերպով գրեն մէկ տողը, կը հրաւիրուին գրել երկրորդ տող մը . այս երկրորդ տողին առթիւ, դաստիարակը աշակերտներուն ուշադրութիւնը կը հրաւիրէ ուրիշ մէկ կամ երկու թերութեանց վրայ զորս արդէն դիտած էր առաջին տողին մէջ, բայց որոնց վրայ չէր խօսած : Յետոյ երրորդ տող մը, ապա չորրորդ տող մը, և այսպէս շարունակաբար : Քանի տող որ կրնան գրել դասաժամու միջոցին :

ԵՐԳ

1. Ա. և Բ. տարիներուն մէջ, ուսուցիչը կ'ընտրէ դիւրին և հաճելի կտորներ :

2. Ուսուցիչը նախ կամաց կամաց կ'երգէ կտորը, յետոյ մաս առ մաս կրկնել կուտայ զայն ամէնչն աւելի յարմարութիւն ունեցող աշակերտներուն և վերջապէս ամէնուն :

3. Աշակերտաց չնառութեան և ձայնի արտաքերութեան ուշադրութիւն կը դարձունէ ուսուցիչը և չի թողուր որ չափէն աւելի պոռան :

4. Ամէն դասի, քանի մը վայրկեան կը նուիրուի ամենապարզ տեսական ծանօթութիւններու ուսուցման, ինչպէս՝ հնդայ (portée), բանալի, չափ և ընթերցում ձայնանիշերու :

5. Վերջապէս, առաջին երկու տարիներուն մէջ, մասնաւոր հոգ կը տարուի տղոց ականջը և ձայնը կրթելու՝ լաւագոյն ու յարմարագոյն եղանակներ լսել ու արտաբերել տալով աղոց։ Իսկ երաժշտական կանոններ ու օրէնքներ շատ քիչ չափով միայն կ'աւանդուին։ Խնչպէս որ տղան ունէ լեզու մը՝ մտիկ ընկերով կը սորվի և ոչ թէ քերականական կանոններու միջոցաւ, այնպէս ալ երգել պէտք է սորվի՝ մանաւանդ ունկնդրութեամբ։

6. Գ. Դ. Ե. Զ. տարիներուն մէջ, ամէն մէկ դաս պէտք է բաժնուի երկու մասի. 1. Խաղերգութեան (solfège) մը առթիւ տեսական մի քանի ծանօթութիւններ, 2. Կառփ մը ուսումնասիրութիւնը կամ երգեցողութիւնը։

7. Խաղերգութեան դասերը աստիճանաւոր կ'ըլլան, կամաց կամաց առաջ տանելու է զանոնք առանց աճապարանքի, որպէսզի աշակերաները ընտելանան երաժտութեան առաջին տարերքներուն։ Ամէն հրահանգի սկզբնաւորութեան՝ տղաքը կը մեկնին երկմատնեակի (diapason) լայն, կ'երգեն՝ ցածէն բարձր՝ ձայնաշար մը, և՝ բարձրէն ցած՝ ձայնաշար մը, և իրենք իսկ անձամբ կը գտնեն երգածայնը (ton)։

8. Երգերը այլալան կ'ըլլան, հատընտիր ձաշափով և բարոյալից։ Կարելի է այս տարիներուն մէջ ընտել երկձայն խմբերգներ։

9. Աշակերտները մասնաւոր տետրակի մը մէջ կ'ընդօրինակեն զանոնք։

10. Դիւրին երգերը կ'ուսուցուին իբր կիրառութիւն խաղերգութեան դասերուն։ Իսկ դժուարինները կ'ուսուցուին ունկնդրութեամբ։

ԲՆԱԿԱՆ ԵՒ ԲՆԱՊԱՏՄԱԿԱՆ ԳԻՏՈՒԹԻՒՆՔ

1. Ա. և Բ. տարիներուն մէջ, բնական և բնապատմական գիտութեանց ուսուցումը կ'աւանդուի իրագիտական դասերու ձեւով։ Որոշնալ նիւթի մը վրայ խօսակցութիւն կը բացուի, և տղաք թելադրիչ հարցումներու միջոցաւ կ'առաջնորդուին ամբողջական խօսքերով բացատրելու ինչ որ արդէն գիտեն այդ նիւթին վրայ։ Ուսուցիչը միմիայն կարգի կը դնէ ու կ'ամբողջազնէ պատասխանները, իր բոլոր ճարտարութիւնը հարցումներ ընկերու եղանակին մէջն է։ պէտք է խօսակցութիւնը վարէ առանց անօգուտ չեղումներու մէջ մոլորելու։ Բանի՛ խօսի, գրատախտակին վրայ հետզհետէ պէտք է գրէ կարեւոր բառերը որոնք դասին յատակագիծը կը կազմնի ի վերջոյ։

2. Որչափ որ կարելի է, բուն իսկ առարկաները, դպրոցական միւսէննէն առնուելով, տալու է տղոց ձեռքը, որպէսզի ուղղակի գիտեն զանոնք և որոշ գաղափար մը կազմեն անոնց վրայ։ Ի հարկին միայն պատկերներ կամ գրատախտակին վրայ շինուած գծագրութիւններ գրաւելու են բուն առարկաներուն տեղը։

3. Իրագիտութեան դասին մէկ ամփոփումը կարելի է զրուցագրել տալ աշակերտաց, անոնց ուշագրութիւնը գարձնելու համար խօսակցութեան մէջ գործածուած զլիսաւոր բառերուն վրայ։

4. Նոյն իսկ երբեմն, դասին նիւթը կրնայ առիթ ընծայել շատ պարզ շարադրութիւն մը ընել

տալու (առարկայի մը նկարագրութիւնը, գործածութիւնը, ծագումը ևն): իբր առաջնորդ հարցարան մը կը տրուի աշակերտաց՝ գաղափարները գըտնելու համար:

Գ. Դ. Ե. և Զ. տարիներուն մէջ.

1. Վերջին դասին վրայ հարցումներ ընելէ ետքը, ուսուցիչը նոր նիւթը կը բացատրէ՝ գրատախտակին վրայ գծուած յատակածի մը հետեւողութեամբ:

2. Տղոց արդէն ծանօթ եղած բաներէն կը մեկնի՝ նոր ծանօթութիւններ տալու համար անոնց, և մանաւանդ վարժեցունելու համար զանոնք որ ուշադրութեամբ դիտեն իրենց շուրջը գտնուած իրերը: Գիտութեանց ուսուցումը շատ գործնական պիտի ըլլայ: Իրաւ է թէ իրողութիւնները պէտք է բացատրուին տեսական մի քանի գիտելիքներով. բայց շուտով վերադառնալու է կիրառութեանց: Էական կէտն է մանուկին մէջ մշակել «այն հետաքրքրութիւնը որ յառաջնթացն է կրթութեան», ձևարտութեան այն սէրը որ ապագային պիտի չի թողու իրեն՝ գոհանալ անոտի խօսքերով և հաւատ ընծայել նախապաշարմանց ու աւանդամոլ խորհուրդներու:

3. Ուսուցման դիւրութեան համար, ուսուցիչը իրեն օժանդակ կ'առնէ բուն իսկ առարկաներ, պատկերներ, բնական պատմութեան տախտակներ, գրատախտակին վրայ շինուած ուրուագիծներ և պղտիկ գործիքներ զորս ինք անձամբ կը շինէ տըղոց օգնութեամբը:

4. Դասէն ետքը, ամփոփումը զրուցագրել կուտայ Գ. և Դ. տարիներու աշակերտաց:

5. Իսկ գալով Ե. և Զ. տարիներու աշակերտաց, ասոնք իրենք կը շարադրեն դասին ամփոփումը՝ հետեւողութեամբ այն ծանօթագրութեանց զորս դասի միջոցին իրենք կ'առնեն: Այս բանը դիւրին կ'ըլլայ անոր համար որ տղաք ընդհանրապէս կը սիրեն գիտութիւնը, և աւելի դիւրին մանաւանդ եթէ ուսուցիչը շատ շուտ չի խօսի, եթէ ճիշդ ու ճիշդ հետեւի յատակադի կարգին, և եթէ կարեւորն ըսէ միայն ու շատ յատակ ըլլայ իր բացատրութեանց մէջ:

6. Այս շարադրութեան սրբագրութիւնը բերանացի կ'ըլլայ՝ հաւաքական կերպով. ամէն մէկ կէտ շատ մը աշակերտաց կողմանէ կը կարգացուի և ի հարկն կ'ուղղուի:

Տղաք իրենց շարադրութեան թերիները կը լրացնեն և հարկ եղած փոփոխութիւնները կը կատարեն:

7. Գիտութեանց ուսուցման հետ առնչութիւն ունի դպրոցական միւսէնին կազմութիւնը և պըտոյտներուն կազմակերպութիւնը:

Միւսէնը կը պարունակէ զանազան առարկաներ, պատկերներ, պղտիկ գործիքներ որոնք ընդհանրապէս կը ծառային իրագիտութեան գասերուն: Ամենալաւ արդիւնք կուտայ միւսէնը երբ աշակերտները իրենք անձամբ յանձնառու ըլլան անոր պահպանութեանը:

Գալով դպրոցական պտոյտներուն, ասոնք ալ այն առաւելութիւնը ունին որ տղաքը ուղղակի նոյն իսկ իրաց հետ հաղորդակցութեան մէջ կը դնեն: Բայց իրապէս բեղմնաւոր կ'ըլլան ա'յն պայմանաւ

միայն որ նախատեսուին ու պատրաստուին, այսինքն շատ որոշ նպատակ մը ունենան և գրաւոր շարադրութեան նիւթ դառնան: Միայն թէ ուսուցիչը պէտք չէ չափէն աւելի դիմէ այս միջոցին, որպէսզի չ'ըլլայ թէ աշակերտները լուրջ ուսումնասիրութիւններու ճաշակը կորոնցնեն և զուարձութեանց անձնատուր ըլլան:

8. Բնական Գիտութեանց ուսուցումը ի՞նչ դիտողութեանց որ առիթ ընծայեց և ի՞նչ հանդամանքով որ ներկայացաւ, Երկրագործութեան և Պարտիզանութեան ուսուցումն ալ նոյն դիտողութեանց առիթ կ'ընծայէ և նոյն հանդամանքով կը ներկայանայ:

Վերջին դասին վրայ հարցումներ ընելէ ետքը, ուսուցիչը նոր նիւթը կը բացատրէ՝ գրատախտակին վրայ գրուած ուրուագծին համաձայն: Աւելի ճշգրութեան համար, ցոյց կուտայ իրերը որոնց վրայ կը խօսուի կամ այն պատկերները որոնք այդ իրերը կը ներկայանեն:

9. Եթէ փորձարկութեանց համար ուսուցիչը իր տրամադրութեան տակ դաշտ մը ունենայ, ուսուցումը լաւագոյն արդիւնքներ կուտայ, քանզի ամէն տեսական կանոններ գործնականապէս կ'ապացուցուին: Եթէ փորձարկութեան գետին մը չկայ, գպրոցական պտոյտները, իբրև իրազննական ուսուցման միջոց, կարեւոր համարուելու են:

10. Ուսուցիչը պէտք չէ բաւականանայ իր աշակերտաց դիմու տալով՝ երկրագործական, պարտիզանական աշխատութիւններն ու արդիւնքները, այլ զանոնք մասնակից ընելով այդ

աշխատութեանց՝ հրահանգելու է հետզհետէ, և գիւղական կեանքին քաղցրութիւնները ճաշակել տալու է անոնց:

Ա. Ծ Խ Ա. Պ Հ Ա. Գ Ր Ո Ւ Թ Ի Ի Ն

1. Աշխարհագրութիւնը պէտք է ծառայէ դիտութեան ոգին մշակելու: Առ այս, աշխարհագրութեան դասը պէտք է ըլլայ թանձրացեալ և դէմ յանդիմանական: Ամէն անգամ որ կարելի ըլլայ, շրջագայութեանց միջոցաւ պէտք է աւանդել այս դասը, տեղւոյն վրայ ցոյց տալով աշխարհագրական երեւոյթները:

Իսկ երբ հարկ է դասարանին մէջ մնալ, գըպրոցը պէտք է ունենայ իր աշխարհագրական պատկերները, ինչպէս նաև մոգական լապտերը հանդերձ լուսանկարուած տեսարաններու, անասուններու, բոյսերու, մարդկային ցեղերու, բնակարաններու, չէնքերու, ևն. համարածոյով: Մնաց որ, սովորական առարկաներէ ալ կարեւի է օգուտ քաղել՝ աշխարհագրութեան դասը դէմ յանդիմանական ընելու համար: Բայց աստի, գպրոցին աշխարհագրական թանգարանը պէտք է պարունակէ գլխաւոր քարերու նմոյներ, ծանօթ բրածներ և հանքեր:

2. Աշխարհագրութիւնը պէտք է ծառայէ տրամախոհութեան մշակման: Առ այս աշխարհագրութեան դասը պէտք է արդիւնքէն, իրողութիւններէն մեկնի և երթայ դէպի պատճառները, շղթայէ

զանոնք և այս կերպով վարժեցնէ միտքը՝ կազմելու ընդհանուր գաղափարներ, այսինքն այն գաղափարներն որոնք միայն իրօք կրթիչ արժէք մը ունին : Աշխարհագրութիւնն է ուսումն ոչ այնքան երկրին, որքան ուսումն ֆիզիքական միջավայրին ազդեցութեան՝ մարդուն վրայ, և մարդուն հաշկաղեցութեան՝ միջավայրին վրայ : Քաղաքական աշխարհագրութեան բանալին ֆիզիքական աշխարհագրութիւնն է և մարդը բացատրելու համար նախքնութիւնը պէտք է բացատրել : Դաստիարակը պէտք է անդադար պատճառաբանել տայ և հասկցնէ թէ բախսոր, դիպուածը գործ չունին աշխարհագրութեան մէջ : Աշխարհագրութիւնը պէտք չէ ըլլայ զուտ յիշողութեան և երեւակայութեան մեքենական դաս մը :

3. Աշխարհագրութիւնը պէտք է ծառայէ բարոյական և յաղախացիական դաստիարակութեան: Երկու դասեր կը բղիմին աշխարհագրութեան բանաւոր և կրթիչ ուսումէն . դաս աշխատութեան և դաս համերաշխութեան ու ներողամտութեան:

4. Մանկապարտէզի մէջ աշխարհագրական ծանօթութիւնները կը արուին պարտէզիկներու միջոցաւ, ուր աւազը, օգնութեամբ ջուրի և տունկերու, կը ներկայացնէ աշխարհագրական ամէնապարզ երեւոյթները :

5. Նախակրթարանին մէջ, աշխարհագրութիւնը, իբր գերազանցապէս թանձրացեալ ուսում, պիտի պահէ իր թանձրացեալ հանգամանքը: Բոլոր աշխարհագրական իրողութիւնները կը խմբուին սահերկու գլխաւոր բաժանումներուն մէջ . 1. Բնական

աշխարհագրութիւն, որ կը պարունակէ գետնին բարձրութիւնը, ցցուածքը (էական իրողութիւն՝ որմէ կը բղիմին միւս երեւոյթներուն շատերը), կը լիմայ, ջրագրութիւն, բնական արտագրութիւններ: 2. Քաղաքական աշխարհագրութիւն որ կը պարունակէ ժողովուրդ (ցեղ, լեզու, կրօնք), քաղաքական կազմակերպութիւն և պատմական աշխարհագրութիւն, քաղաքական բաժանումներ և քաղաքներ, տնտեսական աշխարհագրութիւն (ճարտարութիւն, վաճառականութիւն, հաղորդակցութեան գլխաւոր միջոցներ, կրթութիւն, զինազրական ոյժ, են): Պէտք է մեկնիլ, ընդհանրապէս, գետնին և համանիլ կլիմային, բոյսերուն, անասուններուն, մարդուն և քաղաքակրթութեան ընդհանուր հանգըրւաններուն:

6. Դասը պէտք է ըլլայ տարրական և գործնական, գէմ յանդիմանական, խորհրդածեալ, կենդանի, զերծ ամէն խճողումէ՝ թուականներու և բնակչաց թիւնին, աշխարհագրական անուններու, շէնքերու, են. տեսակէտէն: Իբր պատմական թուական, ամէնին գլխաւորները միայն: Իբր երկրի կամ քաղաքի բնակչաց թիւ, կարգեր միայն՝ կարեւորութեան աստիճանով (սաշափի միլիոն բնակիչ ունեցող երկիրներ, 500,000էն 1,000,000 բնակիչ ունեցող քաղաքներ): Պատճառաբանեալ բաղդատութիւններ այս մասին:

7. Դասագիրքը յուշարարի մը դերը միայն պէտք է կատարէ: Դասագիրքը կոչուած չէ բնադաստիարակը զերծ կացուցանելու խօսելէ և մասաւանդ խօսեցնելէ, բացատրելէ և մանաւանդ

գտնել տալէ՝ օգնութեամբ ուրուագրին, յատակա-
գիծին, գրատախտակին վրայ գծուած արագօ-
րէն. — Աշխարհագրական ընթերցումներ ջերմապէս
յանձնարարելի են:

8. Քարտիսագծութիւնը գծագրութեան դասի
մը ձեւը պէտք չէ առնէ: Աստիճանի (échelle) գոր-
ծածութիւնն աղէկ մը սորվեցնելէ վերջ, աշակեր-
տին պէտք է պահանջել ստուերագիրներ. սիւմաներ
միայն, և ոչ չողողուն քարտէսներ, որոնք աւելի
ձեռքի քան մտքի վարժութիւններ են: Աշակերտը
քարտէսը պէտք է գծէ առանց կարկինի և հոգ
պիտի տանի որ իր աշխատութիւնը ըլլայ ճիշդ,
յստակ և պարզ: Քարտիսագծութեան նպատակն
ուրիշ բան չէ, բայց եթէ թուղթի վրայ յիշողու-
թեամբ ներկայացնել բերանացի դասը:

9. Դասախոսութեան հետեւեալ ձեւը յանձ-
նարարելի կը նկատենք: Դաստիարակը, քանակ
ի ձեռին, կը կենայ քարտէսին քով, և վերջին դա-
սին վրայ ամփոփ հարցումներ ուղղելէ վերջ, ցոյց
կուտայ նոր դասին գլխաւոր առարկաները՝ բա-
ցարելով ինչ որ պէտք է բացատրել, բայց մանա-
ւանդ կոչում ընելով տղայոց միտքին և սիրտին,
անոնց գտնել տալով ինչ որ կրնան գտնել, դասին՝
կենդանի, թատերական գոյն մը տալով: Յետոյ գրա-
տախտակին վրայ դասին ուրուագիրը կը գծէ, գոյն-
ըզգոյն կաւիճներով: Միեւնոյն ատեն, իւրաքան-
չիւր աշակերտ, իր պղտիկ համր քարտէսին վրայ
կը գծէ, դաստիարակին հետեւելով, այս վերջնոյն
գծած ուրուագիծը:

ՀԱՇԻՒ ՈՒ ԹՈՒԱԲԱՆՈՒԹԻՒՆ

ՄՏԱԿՈՐ ՀԱՇԻՒ

Ա. ԵՒ Բ. ՏԱՐԵՆԵՐ

1. Թուարկութեան առաջին սկզբունքները
իրազնական եղանակաւ կ'աւանդուին աղոց, իրա-
կան առարկաներու միջոցաւ. ինչպէս են փայտիկ,
լուբիայ, գնատակ, ուլունք, և լն:

2. Մէն մի դասի մէջ, տղաք շատ գործօն
դեր մը կը կատարեն. ուսուցչին նպատակէտը չէ
շատ սորվեցնել աղոց, այլ կարելի եղածին չափ
կարծ ժամանակի մէջ կարող ընել զանոնք պղտիկ
հաշիճներ կատարելու. արդ, բազմապատիկ հրա-
հանգներով միայն ձեռք կը բերուի այս արդիճնքը:

3. Մանուկները հաւաքարար առարկաներ կը
համրեն նախ 1-10, յետոյ 10-100, և լն: Պէսպի-
սութեամբ կը շարունակուի այս հրահանքը, այ-
սինքն համրանք 2 առ 2, 10 առ 10, յետոյ հակա-
դարձ գործողութիւն 10էն մինչև 1, 100էն մինչև 1,
միութիւն առ միութիւն, 2 առ 2, 10 առ 10:

4. Միեւնոյն ժամանակ ուսուցիչը կարդալ
կուտայ թուանշանները՝ անոնց ամէն մէկուն լծոր-
դելով այսինչ թուով փայտիկ որոնք անոր (թուա-
նշան) արժէքը ցոյց տան: Կը շարունակէ այս հրա-
հանգը՝ կարդացնել տալով 2 թուանշաններով,
յետոյ 3 թուանշանով թիւեր:

5. Տղաքը անմիջապէս որ համրել սովորին,

կը պատասխանեն մտաւոր հաշիւի խիստ պարզ հարցումներու զորս կը լուծեն նախ առարկաներու միջոցաւ, վերջը առանց անոնց օգնութեան . որպէսզի վերացումի վարժուին : Այսպէս անզգալի աստիճանաւորումով մը տղաքը կ'առաջնորդուին չորս գործողութեանց կատարման :

6. Այս ատեն յաւելման աղիւսակը գոյց ընել կը տրուի, հաւաքաբար արտասանել տալով զայն դասին սկիզբը կամ վերջը : Տղաքը կը հասկնան այդ աղիւսակը, քանզի ուսուցիչը՝ փայտիկներու կամ ուրիշ առարկաներու միջոցաւ, կը հաստատէ ինչ որ գոյց ընել կուտայ անոնց :

7. Աւելի վերջը, բաղմապատկութեան աղիւսակին ուսումը նոյնպէս կը կատարուի յառաջընթաց հրահանդներով որոնք հասկնալի կը դարձունեն զայն . պարզ թիւերը կը կրկնուին 1, 2, 3, . . . 9, 10 անգամ և անոնց արտադրեալները գրատախտակին վրայ կը գրուին :

Այս երկու աղիւսակները տղոց անհատապէս արտասանել տուած միջոցին, ուսուցիչը կը ծանօթագրէ ամէն մէկուն գիտցած մասերը : Ամենէն դանդաղները քիչ մը ստիպելով, անոնց արժանապատութեան զգացումները զրդուելով, ուսուցիչը քիչ ժամանակի պիտի կարօտի իր աշակերաց ամէնուն կատարելապէս սորվեցնելու իրենց աղիւսակները :

8. Գալով մեթրական դրութեան առաջին գիտելիքներուն, անոնք հիմնուած են թուարկութեան ուսման վրայ . 10 փայտիկներ թերով մը միացած, տասնաւոր մը կը ներկայացնեն, տղաքը կը հրաւիրուին նոյնասեռ 10 միութեանց խումբեր

գտնել (երկու ձեռքին մատները 10 աշակերտ, 10 լուցին, և լն) : Ասիկա լաւ մը ըմբռնելէն ետքը՝ քայլ մը միայն կը մնայ տիֆա բառին իմաստը հասկը-նալու :

9. Մեթրական չափերը, ինչպէս և անոնց բազմապատիկներն ու ստորաբազմապատիկները, տղոց ցոյց կը արուին ամէն անգամ որ հարկ ըլլայ :

10. Աշակերաները անձամբ երկայնութիւններ, պարունակութիւններ կը չափեն, առարկաներ կը կշռեն, դրամ կը համրեն ևն : Ուսուցիչը պէտք չէ խորհի թէ այս վարժութիւնը անհարկի պարզութիւն և անհարկի գործնական հանգամանք մը կուտան դասերուն . դասատուին բացատրութիւնները, որքան ալ յստակ ըլլան, երբէք չիպիտի կրնան բըռնել տեղը այն հրահանգներուն զորս աշակերտները իրենք անձամբ կը կատարեն :

Յաջորդ տարիներուն մէջ .

1. Դասերը, միշտ շատ պարզ և քիչ ծանրաբեռնուած, կը բացատրուին բոլորովին զննական եղանակով . երբ պէտք ըլլայ կոտորակներուն վրայ խօսիլ, ուսուցիչը թող կատրներու բաժնէ ինձոր մը, գիծ մը, թերթ մը թուղթ : Մակերեւոյթի կամ ծաւալի վրայ խօսուած ատեն, թող աշակերտները տախտակ մը, պատ մը, տուփ մը, ևն. չափեն :

Սակայն սիալ պիտի ըլլայ նոյն ինքն թանձրացեալ առարկաներուն դիմել ամէն անգամ որ անոնց վրայ խօսք ըլլայ : Երբ աշակերտները ընտանեցած են այն սկզբունքներուն որոնք կը բացատրուին ուսուցչին կողմանէ, օգտակար կ'ըլլայ

այն ատեն աւելի վերացեալ պատճառաբանութիւնը ներ պահանջել անոնցմէ :

2. Մատար հաշիւի վարժեցունելու համար զանոնք ամէն օր, խնդիրներու լուծումէն առաջ, քանի մը վայրկեան աստիճանաւորեալ հրահանգներ կատարել կը տրուին :

3. Խնդիրներու լուծման մէջ, ամէն պարզ գործողութիւն մտքով կատարել կը տրուի :

4. Գ. և Դ. տարիներուն մէջ բազմապատկութեան աղիւսակը արտասանել կը տրուի աշակերտաց:

ԳՐԱԿՈՐ ՀԱՇԻՒ

Ա. ԵՒ Բ. ՏԱՐԻՆԵՐ

1. Խնդիրներու ընտրութիւնը խնամով կատարուելու է: Պէտք է կարծ, աստիճանաւորեալ ըլլան, և տղոց հասողութեան յարմար: Առաջին վարժութեանը չափ ուրիշ ունէ բան չի կրնար քաջալերել աշակերտը. ուստի, խնդիրները՝ իմացական ճիգ մը պահանջելով հանդերձ՝ պէտք է ըլլան մանաւանդ դիւրին քան դժուար:

2. Տիպար վարժութենէ մը կը բղիին այլազան ձեւով բազմաթիւ վարժութիւններ. խնդիրին ամէն եղրերը կրնան՝ իրենց կարգին՝ որոշելի անծանօթներ ըլլալ, աշակերտաց յառաջդիմութեան չափով աւելցնելով գործողութեան թիւն ու դժուարութիւնը, այս կերպով, յաջող արդիւնքներ ձեռք կը բերուին: Ընդհակառակն, եթէ խնդիրները մէկ կապակցութիւն ներկայացնեն, եթէ միշտ

բոլորովին նոր երեւան, կը շփոթեն տղուն միտքը վհատութիւն կը պատճառեն անոր:

3. Տիպար խնդիրները լաւ կը բացատրուին. գալով այն խնդիրներուն որոնք ասոնցմէ ետքը կ'առաջարկուին և որոնք առաջիններուն հետ աշքի զարնող առնչութիւն մը կը ներկայացնեն, բաւական է կարդալ զանոնք և կարդալ տալ. յետոյ հարցումներ կ'ուղղուին խնդիրին ծանօթ թիւերուն վրայ. «Ի՞նչ կը ներկայացնէ այս ինչ թիւը: Միւսը: Ի՞նչ կուզենք գտնել, ևլն»:

Երբեմն կը պատահի որ չափէն մեծ թիւեր՝ խնդիրը լաւ մը ըմբռնել տալու արգելք կ'ըլլան. այս անպատեհութիւնը կը հարթուի՝ առաջարկելով աշակերտաց որ այն թիւերուն տեղ պարզ թիւեր դնեն: Սյն ատեն շատ դիւրութեամբ կրնան գտնել այն միջոցները զորոնք պէտք է գործածել հարցումը լուծելու համար:

4. Գրաւոր մէն մի վարժութիւն կը պարունակէ խնդիր մը որ նախապէս կ'ընդօրինակուի գրատախակին վրայէն, և մէկ կամ երկու գործողութիւն՝ թանձրացեալ թիւերու վրայ:

5. Լաւ կ'ըլլայ որ իւրաքանչիւր գործողութեան փորձը պահանջուի:

6. Խնդիրներու զանազան մասերուն կարգաւորմանը համար կուտանք օրինակ մը որ, իր յստակութիւնովք, դիւրութիւն կ'ընծայէ ուսուցչին ճիշդ գաղափար մը կազմել շուտով՝ տղուն կատարած աշխատութեանը վրայ:

Արշակ 31 գնդակ ունէր: Խաղալով 15 հատ

կը շահի, յետոյ 7 հատ ալ կը շահի. անկէ ետքը
25 հատ կը կորսնցունէ: Հիմա քանի՞ հատ ունի:

Պատասխան. 28 գնդակ

ԳՈՐԾՈՂՈՒԹԻՒՆ	ԼՈՒՇՈՒՄ	ԱՐՏԱՅԱՅՑՈՒԹԻՒՆ
31		
15 53	Արտակ ունեցաւ ...	$31+15+7=53$
7 25		գնդակ
— —	Հիմա ունի	$53-25=28$ գնդակ
53 28		

7. Աշակերտները՝ որոշեալ կարգով մը՝ կը կամչուին, ընելու համար գրատախսաւին վրայ կատարուած վարժութեանց սրբագրութիւնը:

8. Խնդիրին թիւերը միայն կը պահուին զրատափակին վրայ: Ուսուցիչը կը կարդայ բնագիրն ամբով և յետոյ նշանակեալ աշակերտին կրկնել կուտայ զայն:

9. Եթէ հարկ ըլլայ, կարգ մը հարցումներով կ'առաջնորդէ զանի խնդրոյն լուծումին, բայց կ'ըդգուշանյ բացատրելէ զայն անոր և նախամեծար կը համարի ուրիշ աշակերտ մը հրաւիրել օգնելու համար առաջինին:

10. Ընդհանրապէս, մէն մի գործողութեան նպատակը խօսքով մը կը նշանակուի, բայց աշակերտներուն կ'ուսուցուի՝ իրենց զաղափարը խտացունել քանի մը բառերու մէջ որոնք կ'արձանագրուին երկրորդ սիւնակին մէջ:

11. Բոլոր գործողութիւնները կը կատարուին գրատախսակին վրայ: Եթէ երկար են, տարրեր

աշակերտներ՝ առանց իրենց տեղէն ելլեւու՝ կրնան շարունակել զանոնք, մինչդեռ իրենց ընկերը գըտնուած թիւերը կը գրէ:

12. Խնդիրը սրբագրուելէն ետքը, մէկ կամ

երկու աշակերտներ անոր լուծումը կը կրկնեն:

13. Երբ վարժութիւնն աւարտի, աշակերտները մատիտով կ'ուղղեն իրենց պատասխանները եթէ ճիշդ չեն:

14. Անաւասիկ ուրիշ հնարք մը որով տղաք շուտով կը սորվին կատարել իրենց գործողութիւնները:

Զոր օրինակ, արուած ըլլայ բաժանում մը, աշակերտները իրենց տեսրակին մէջ կ'օրինակեն զայն: Անոնցմէ մէկը կը հրաւիրուի բարձրաձայն կատարել գործողութիւնը. ամէնն ալ կը հետեւին կը գրեն նշանակուած թիւերը: Ուսուցիչը ուռիշներ կը հրաւիրէ՝ մանաւանդ տկարները— գործիչներ ծաղկութիւնը շարունակելու համար: Այս կերպով, ծողութիւնը շարունակելու համար, ամենակատարեալ տղաք պարտաւորուած ըլլալով ամենակատարեալ կար կը դառնայ:

Ցաջորդ տարիներուն մէջ.

1. Խնդիրները որոնք Ա., և Բ., տարիներուն մէջ ցոյց տրուած սկզբունքներուն վրայ կ'ընտրուին, վերաբերութիւն պէտք է ունենան կեանքի սովորական պայմանաց, առեւտուրի, տեղական արհեստից, և տղոց պէտք է սորվեցունեն օգտակար գիտելիքներ, արմտիքներու գիներ, թոշակաց սակեր, հունձքի արդիւնք, ևն:

2. Եթէ ուսուցիչը դասարանին յարմար գիրք մը չունի, կրնայ ինքն անձամբ ընտրանոք խնդիրներու հաւաքածոյ մը կազմել՝ տարուէ տարի լրացունելով զայն և փոփոխելով:

3. Բացատրութիւնները կարծ կ'ըլլան. աշակերտին ճիգը, պայմանաւ միայն որ իր ուժին համեմատական ըլլայ այդ ճիգը, աւելի օգտակար կ'ըլլայ անոր քան ուսուցիչն դասերը:

4. Ինչ որ էր խնդիրներու զանազան մասանց կարգաւորումը, Ա. և Բ. տարիներուն մէջ, նոյնը կը մնայ այս տարիներուն մէջ ալ: Ե. և Զ. տարիներու աշակերտք միայն կրնան վերծ կացուցուիլ գործողութիւնները ընդորինակելէ իրենց դասատետրին մէջ:

5. Գրատախտակին վրայ, սրբագրութեան միջոցին՝ աղաք կարգաւ կը կոչոին:

6. Խնդիրը կը կարդայ ուսուցիչը, յետոյ աշակերտը կը կրկնէ զայն՝ գրատախտակին վրայ նշանակուած թիւերուն նայելով միայն:

7. Հարցումներու միջոցաւ տղան կ'առաջնորդուի գտնելու լուծումը զոր կ'ամփոփէ այնքան տողի մէջ որքան որ գործողութիւն կայ:

8. Ամէն գործողութիւնները գրատախտակին վրայ կը կատարուին՝ Գ. և Դ. տարիներուն մէջ. իսկ Ե. և Զ. տարիներու մէջ, կրնան զանց առնուիլ գործողութիւնները. ուսուցիչը պարզապէս արդիւնքները կը նշանակէ:

9. Երբ լուծումն աւարտի, մէկ երկու աշակերտներու կրկնել կը տրուի՝ այդ միջոցին ամէն տղայ կը սրբագրէ իր աշխատութիւնը մատիտով կամ կարմիր մելանով:

10. Եթէ ուսուցիչը պէտք եղածին չափ ժամանակ ունի, կրնայ հետեւեալ կերպով շատցունել հաշուական վարժութիւնները. խնդիր մը կը կարդայ՝ միայն թիւերը գրատախտակին վրայ նշանակելով. աշակերտները իրենց գրատախտակին վրայ կամ սեւագրութեան տետրակին մէջ կը լուծեն զայն, այսինքն նշաններով կ'արտայայտեն անոր լուծումը. բայց որովհետեւ գործողութիւն չեն կատարեր. քանի մը վայրկեանը կը բաւէ: Այն ատեն գրատախտակին վրայ կը կատարուի լուծումը, և քանի մը բացատրութիւն կը տրուի անոնց համար որոնք չեն յաջողած:

ԵՐԿՐԱՉԱՎԱՐԱԿԱՆ

1. Ա. և Բ. տարիներուն մէջ երկրաչավարական գիտելիքները՝ գծագրութեան, ձեռական աշխատութեան և մեղրական գրութեան ուսուցման հետ կը կապակցին:

2. Գ. Դ. Ե. Զ. տարիներուն մէջ՝ գարձեալ երկրաչավական գիտելիքները կը կապակցին գծագրութեան, ձեռական աշխատութեան և մեղրական գրութեան դասերուն հետ:

Մակերեւոյթներու և ծաւալներու վրայ խօսելով է որ կը յաջողինք տղոց սովորեցնել թէ ինչպէս կատարելու են գործնական երկրաչափութեան սովորական գործողութիւններ:

3. Բայց եթէ այս տարերքները բաւական կը համարենք, միւս կողմանէ երբեմն պէտք է քիչ մը

տեսականի մէջ մտնելով բացատրել գործածուած հնարքներուն պատճառը և պարզ ու յատակ տարադներով ձշդել խտացունել զանոնք :

4. Ուսուցումը աւելի՝ իրազննական ընելու և աւելի՝ արդինք քաղելու համար՝ թուղթէ, խաւաքարտէ կամ փայտէ շինուած մակերեւոյթներու՝ ծաւալներու հաւաքածոյ մը կը գործածուի :

ՄԱՅՐԵՆԻ ԼԵԶՈՒ

Ե Ն Թ Ե Ր Ց ՈՒ Մ

1. Ընթերցանութեան առաջին գիրքը պէտք է պատկերազարդ ըլլայ: Տղուն ծանօթ առարկայի մը պատկերը պէտք է տղուն թելաղրէ այն բառը որ դասին չուկէտը կը կազմէ: Տղան կը փնտոէ թէ ինչ նշանով ներկայացուած է այն նոր ձայնը՝ զոր կը պարունակէ այս բառը: Յետոյ կը վարժուի կարդալ վանկեր և բառեր՝ որ կը պարունակեն նոր տառը, որուն արժէքքը դիտէ հիմա: Բնել է, տղան կը կարդայ բառը, յետոյ բառը կազմող վանկը կամ վանկերը, ապա՝ վանկը կամ վանկերը կազմող տառը կամ տառերը: «Չայնական մեթուած» կոչուած մեթուած է զոր կը յանձնարարենք:

2. Հասարակ ընթերցանութեան համար, որ միանգամայն պէտք է ըլլայ բացատրեալ ընթերցանութիւն, դաստիարակը պէտք է հետեւի յետագայուղութեան.

3. Դաստիարակը կը ներկայացնէ ընթերցանութեան կտորին նիւթը:

Բ. Դաստիարակը կը կարդայ ամբողջ կտորը, ինամենալ առողանութեամբ:

Գ. Դաստիարակը լաւագոյն աշակերտներուն կարդացնել կուտայ կտորը, հատուած առ հատուած, կը բացատրէ բառերուն և խօսքերուն իմաստը, յետոյ ամիոփել կուտայ կարդացուած հատուածին իմաստը:

Դ. Դաստիարակը ընդհանրացնել կուտայ իւրաքանչիւր հատուածի մէջ պարունակուած զաղափարները, բաղդատութիւններ ընել կուտայ, ծանօթութիւններ կուտայ հեղինակեն վրայ, բաղդատել կուտայ կարդացուած կտորը՝ նոյն նիւթին վրայ գտնուած ուրիշ կտորի մը հետ, ևն:

Ե. Դաստիարակը ամբողջ կտորը կը կարդացնէ աշակերտներուն՝ առողանութեան տեսակէտով: Պէտք չէ երբէք կարդացնել աշակերտներուն կտորը՝ նախորդ վարժութիւնները ընել տալէ առաջ, Հակառակ պարագային, աղաք գէշ կարդալու կը վարժուին:

Զ. Դաստիարակը լեզուի զանազան վարժութիւններ (խմբագրութիւն [ընթերցանութեան կտորին յատակագիծը պատրաստել], քերականութիւն, ևն) ընել կուտայ՝ ընթերցանութեան կտորին առթիւ:

4. Աղէկ է որ ընթերցանութեան կտորը աղերս ունենայ՝ անմիջական կերպով՝ տղուն բնական միջավայրին հետ. օրինակի համար, այսօր ձիւն կը տեղայ կամ երէկ փոթորիկ կար. պէտք է ընտրել այնպիսի հատուած մը որ այս նիւթերուն հետ աղերս ունենայ (եթէ ընթերցանութեան դասագիրքը դա-

նազան կտորներէ կաղմուած է, և ոչ միակ պատառքն էն մը. նոյնպէս, կրնայ հրդեհ մը կամ ուշագրաւ արկած մը պատահած ըլլալ. առանց նայելու դասագրքին նիւթերուն կարգին, պէտք է ընարել այն հատուածը՝ որ աղերս ունի այդ արշակածին հետ, Բարձր կարգերու մէջ, հոգ չէ որ դէպքը տեղի ունեցած ըլլայ տղուն անմիջական միջավայրէն հեռու. ընդհակառակը, շատ օգտակար է, մասնաւորապէս աշխարհազրութեան ուսման տեսակէտով:

4. Օգտակար է ընթերցանութեան կտորին նիւթը ներկայացնել տալ աշակերտաց՝ աղատ գծագրութեամբ, ինչպէս նաև աղատ խօսակցութիւն մը բանալ ընթերցանութեան գրքին պարունակած պատկերներուն վրայ:

5. Եթէ պատահի որ ընթերցանութեան գիրքը պարունակէ այնպիսի կտորներ որոնք անխնամ ոճով գրուած են կամ որոնց նիւթը աշակերտաց հասկացողութենէն վեր է, պէտք է յապաւել զանոնք:

6. Դաստիարակը պէտք է երեմն երեմն ընթերցում մ'ընէ ի լուր աշակերտաց, յետոյ ամփոփել տայ նիւթը: — Երեմն ալ պիտի հրաւիրէ տղաքը իրենց կարդացած մէկ գիրքին ամփոփումը ընել դասարանին մէջ:

ԲԱՐԱԿԱՆՈՒԹԻՒՆ

1. Ուսմանց զանազան ճիւղերը արդէն անուղղակի դասեր են բառագիտութեան:

2. Բացի այս անուղղակի դասերէն, բառագիտութեան սիսդեմադիկ ուսում մը օգտակար է:

3. Բառագիտական այս սիսդեմադիկ ուսման մէջ, պէտք է խմբել բառերը իմաստի տեսակէտով (անուն, ածական, բայ, մակբայ) և զանոնք սորվեցնել խօսիերու մեջ, և ոչ անջատաբար, կարելի եղածին չափ դէմյանդիմանական մեթոդով:

4. Աղէկ կ'ըլլայ որ բառերու այս խումբերը կապուին ընթերցանութեան կտորին նիւթին հետ: Օրինակի համար, ընթերցուածին նիւթն է ներկը. այդ ընթերցուածին պէտք է կցել բոլոր այն կարեւոր բառերը որ առնչութիւն ունին հերկին հետ: Բառագիտութեան այս սիսդեմադիկ ուսման մէջ, աւելորդ է ըսել թէ՝ գիւղացիին համար գիւղական կեանքը մասնաւոր կարեւութիւն պէտք է ունենայ:

ՔԵՐԱԿԱՆՈՒԹԻՒՆ

1. Քերականութեան առաջին դասերը պէտք է աւանդուին ընթերցանութեան կտորին միջոցաւ:

2. Դաստիարակը ընթերցուածին մէջէն կ'ընտըրէ մէկ կամ երկու կանոն, կը բացատրէ, նոյն

կանոնին կամ կանոններուն կիրառութիւնները փընտրուել կուտայ նոյն կտորին կամ արդէն սորվուած ուղիւ կտորներու մէջ, և վերջապէս աշակերտաց կիրարկել կուտայ նոյն կանոնը կամ կանոնները՝ խօսքերու միջոցաւ։ Պէտք է եւրականուրիւնը ուսուցուի լեզուին միջոցաւ, եւ ոչ թէ լեզուն՝ եւրականուրեան միջոցաւ։ բաստիարակը պէտք չէ երբեք մոռնայ այդ ոկզրունքը։

3. Տարւոյն վերջը, իրր քաղ, օգտակար է համագրել տալ տարւոյն մէջ սորվուած քերականական կանոնները։

4. Այս բացարութիւններէն կը հետեւի թէ աշակերտները անհրաժեշտ պէտք չունին քերականութեան դասագրքի։ Քերականութեան դասագիրք մը շատ շատ իրր օժանդակ կընայ օգտակար ըլլալ։

ՎԱՅԵԼՉԱԽՈՍՈՒԹԻՒՆ ԵՒ ՇԱՐԱԳՐՈՒԹԻՒՆ

1. Կարեւոր է որ աշակերտները աղէկ խօսիլ սորվին, նախ անոր համար որ աղէկ խօսիլը կարեւոր տաղանդ մ'է կեանքին մէջ, յետոյ անոր համար որ աղէկ խօսիլը կ'առաջնորդէ աղէկ գրելու։

2. Հետեւաբար, ոչ միայն բերանացի դասերու առթիւ դաստիարակը հոգ պիտի տանի որ աշակերտները աղէկ խօսին, այլ նաև վայելչախօսութեան մասնաւոր դասեր պիտանի են, ուր աշակերտները խօսին մասնաւորապէս ընտրուած նիւթերու վրայ, ընդհանրապէս նախապատրաստուելէ

վերջ, երբեմն ալ, մանաւանդ բարձր կարգերու մէջ, յանպատրաստից։

3. Շարագրութեան դասը պէտք չէ տարածած ըլլայ։ Պէտք չէ մոռնալ թէ լեզուի ուսման մէջ, շարագրութիւնը վերջին հանգրուանն է։ Շարագրել տալէ առաջ, պէտք է տղուն սորվեցնել։ 1. Խօսուած լեզուն հասկնալ, 2. Խօսիլ, 3. Գրուած լեզուն հասկնալ, որուն կը յաջորդէ գրել, այն է շարագրել։

4. Ամէն դասի պէս, շարագրութեան դասն ալ դէմիյանդիմանական պէտք է ըլլայ, մանաւանդ կրտսեր դասարաններու մէջ։ տղուն ապրած միջալայրէն ընտրուած իրագիտական առարկաներ, խաղալիկներ և պատկերներ պէտք է մատակարարէն շարագրութեան առաջին դասերուն նիւթը։ Այդ առարկաները պէտք է տղայոց զգայարանքներուն ենթարկել, ճշգիւ դիտել տալ, վերլուծել տալ առարկային գոյնը, ճայնը, հոտը, համը, չօշափելիքով զգացուելիք յատկութիւնները, ևլն։ ևլն։—Պէտք է ուշագրութիւնը կեդրոնացնել տալ մէկ գաղափարի վրայ և այս գաղափարը բացատրել տալ ամփոփ և յստակ լեզուաւ։

5. Ամենամեծ ուշագրութեան առարկայ պէտք է ըլլան շարագրութեան այս նախապատրաստական վարժութիւնները, որովհետեւ այս ճիւղին մէջ տղուն ապագայ յաջողութիւնը անոնցմէ կախում ունի։ Պէտք չէ մոռնալ թէ ամէնէն «երկարաշունչ» շարագրութիւնն ալ խօսքերու շարագասութիւն մը և ընդելուզում մ'է։

6. Տղոց աստիճանական յառաջդիմութեան

համեմատութեամբ, պէտք է վարժեցնել զանոնք հետզհետէ աւելի բարդ խօսքերու, որոնց վերջնական ձեւը պիտի ըլլայ բուն շարագրութիւնը:

7. Պէտք է Սոկրատեան մեթոտով, այսինքն ճարտար հարցումներու և թելադրութիւններու միջոցաւ, ի վեր հանել տալ նիւթերու գլխաւոր, էական մասերը, յետոյ զանոնք շարագաւաել, ճուացնել, շեշտել տալ երկրորդական մասերով:

8. Էնդհանրապէս, պէտք չէ յատակագիծ մը հարկագրել տղուն: Ուսուցին գործն է դժուարութիւններն աստիճանաւորել, վատահութիւն ներշնչել տղուն իր անձնական ոյժերուն վրայ, յարմար միջամտութեամբ մը թող չտալ որ տղան յուսանատի:

9. Շարագրելու համար, աշակերտաներն ամէն աւելի դժուարութիւն կ'զգան գաղափարէ մը տարբեր գաղափարի փոխանցման մէջ, եւ իրաւ ալ, շարագրելու արուեստին ամէնէն փափուկ մասն է այս. որովհետև փոխանցումն անզգալի, բնական պէտք է ըլլայ: Այս դժուարութիւնը հարթելու համար, պէտք է հասկցնել տղայոց, բազմաթիւ օրինակներով, թէ կարեւոր է որ իրենց մտքին մէջ համառօտեն վերջին հատուածին տիրող գաղափարը և իրենց մտքին առջև ունենան սկսելիք հատուածին տիրող գաղափարը, ու այդ երկու գաղափարները դէմ դիմաց գնեն կամ միացնեն մէկ երկու կարծ խօսքերով:

10. Աւելորդ է ըսել թէ շարագրութեան նիւթերը աշակերտաց կարողութեան սահմաններէն անդին պէտք չէ անցնին, պէտք է գործնական նկարագիր ունենան, սովորական կեանքէն ընտրուած

ըլլան: Երբեմն երբեմն, նիւթերը կ'ընտրուին ուսմանց զանազան ձիւղերուն մէջէն, մասնաւորապէս պատմութենէն, աշխարհագրութենէն, գիտութիւններէն, բարոյախօսութենէն և քաղաքացիական ուսումնէն:

11. Պէտք է խստապահանջ ըլլալ որ շարագրութիւնը գրուած ըլլայ մաքուր թուղթի վրայ և խնամեալ գիրով: Էջին վրայ պէտք է ձգուի բաւական լուսանցք:

12. Սրբագրութիւնն ալ կարեւոր կէտ մ'է: Բացարձակ պայման է որ աշակերտան ինչիլ սրբագրէ իր սխալը: Դաստիարակին ճարտարութիւնն է յարմար հարցումներու միջոցաւ աղուն գտնել տալ սխալը: Ապա թէ ոչ, բոլորովին կրաւորական և հետեւաբար ապարդիւն բան մը կ'ըլլայ սրբագրութիւնը: Դաստիարակը պէտք է սրբագրէ ո՛չ թէ աշակերտին շարագրութիւնը՝ այլ աշակերտին անձը. որովհետև շարագրութեան սխալները, մեծաւ մասամբ, մտքի ու կամքի թերութիւններ են: Եւ ճիշդ ասո՞ր համար է որ շարագրութիւնը շատ կարեւոր դաս մ'է, դաստիարակութեան տեսակէտով:

13. Կարեւոր է, նոյնպէս, ամէն մէկ անգամուն միայն մեկ խումբ սխալներ սրբագրել, որովհետև տղան տասը, քսան սրբագրուած սխալներու վրայ միանգամայն չկրնար կեղրոնացնել ուշագրութիւնը: Պէտք է ընտրել մասնաւորապէս այն սխալները զորս շատ մը աշակերտներ ըրած են:

14. Օգտակար է, եթէ ոչ միշտ, գոնէ երբեմն երբեմն, նիւթին մէկ ընդլայնումը (ուսուցչին կամ հեղինակին կողմանէ) կարդալ կամ զրուցագրել:

15. Հարկ չկայ որ ամէն դասի՝ դասարանին բոլոր աշակերտաց (մանաւանդ եթէ բազմաթիւ են) շարագրութիւնները սրբագրուին, բաւական և բանաւոր է իւրաքանչիւր դասի միայն մէկ քանի աշակերտաց շարագրութիւնները սրբագրել, այն պիսի կարգադրութեամբ մը որ բոլոր աշակերտաց շարագրութիւնները սրբագրուին որոշեալ ժամանակի մը մէջ, բայց միեւնոյն ատեն տղաք առաջ չ'գիտնան թէ իրենց մէջէն որոնց շարագրութիւնները պիտի սրբագրուին։ Աւելի ապահովութեան համար, պէտք է յօնդրոյ մ'ընել թէ բոլոր աշակերտները գրած են իրենց շարագրութիւնները, մասնաւոր հսկողութեան առարկայ ընելով անփոյթները։

ՈՒՂՂԱԳՐՈՒԹԻՒՆ

1. Աշակերտներն ուշագրութեամբ պէտք է կարդան իրենց ընթերցանութեան գիրքին մէջէն ուղղագրութեան համար ընարուած հատուած մը՝ որ ընդօրինակուած պէտք է ըլլայ գրատախտակին վրայ։

2. Աղջկ կ'ըլլայ որ ուղղագրելի հատուածը ընարուած ըլլայ անոնց մէջէն՝ զորս աշակերտները գոց գիտեն, որովհետև հատուած մը գոց ընելու համար տղան անգիտակցաբար ուշադիր կ'ըլլայ ձեւին։

3. Դաստիարակը կը կարդայ հատուածը։

4. Աշակերտները հատուածը վանկ առ վանկ պէտք է կարդան խմբովին։

5. Դաստիարակը ցոյց կուտայ ուղղագրական դժուար մասերը և կ'ստորագծէ զանոնք։ — Ուղղագրական դժուարութիւններ ներկայացնող բառերը գոյց հեգել կուտայ վանկ առ վանկ։

6. Աշակերտները խնամով կ'ընդօրինակեն հատուածը իրենց տեսրակներուն վրայ, ստորագծուած դժուար տեղերը իրենք ալ ստորագծելով։ Թող տալու է որ տղան բառ մ'ընդօրինակած ատեն՝ մեղմ ձայնով կարդայ զայն։

7. Աշակերտները պիտի գոցին իրենց տեսրակները և տախտակին վրայ գրուածը պիտի սըրբուի։

8. Դաստիարակը պիտի գրուցագրէ՝ բառերը կարդալով վանկ առ վանկ։ — Զրուցագրութեան ատեն, երբ աշակերտը հարցնէ բառի մ'ուղղագրութիւնը զոր մոռցած է, պէտք է ըսել։

9. Սրբագրութիւնը պիտի կատարուի անմիջապէս։ Սրբագրուած սիմաները 10-12 անգամ պէտք է ընդօրինակէ աշակերտը։

10. Միեւնոյն հատուածը պէտք է նորէն զրուցագրել յաջորդ դասին։

ԱՐՏԱՍԱՆՈՒԹԻՒՆ

1. Ըսթերցանութեան դասերուն մէջ մշակուած կտորներն (արձակ և ոտանաւոր) են որ պիտի ծառայեն արտասանութեան։ Կը հետեւի թէ պէտք չէ երբէք գոց ընել տալ կտոր մը որ նախապէս չէ բացատրուած։

2. Փորձառական հոգեբանութիւնը ցոյց կուտայ թէ կտօր մը այնքան աւելի լաւ և դիւրաւ գոց կը սորվուի՝ որքան աւելի իրարմէ հեռու ըլլան կրկնութիւնները : Այսպէս, եթէ մէկ ժամուան մէջ պէտք է գոց սորվին հատուած մը, աւելի աղէկ է կէս ժամը մէկ մը երկու անգամ կրկնել զայն քան թէ 15 վայրկեանը մէկ մը չորս անգամ :

3. Փորձառական հոգեբանութիւնը նոյնայս ցոյց կուտայ թէ հատուած մը գոց սորվելու համար աւելի աղէկ է ամբողջ հատուածը մէկ անգամէն կարդալ, կամ մէկ քանի որոշ մասերու բաժնելով կարդալ զայն, քան թէ բառերը զատ զատ գոց ընելով իրարու ետեւէ :

4. Արտասանութեան դասերուն, դաստիարակը պէտք է յիշէ թէ յիշողութիւնները շատ կը տարբերին մէկ աշակերտէ ի միւս աշակերտ, և թէ կան աշակերտներ որ հակառակ իրենց բոլոր ճիգերուն գոհացուցիչ կերպով կամ ամբողջովին գոց չեն կրնար ընել կտորը : Այդպիսիներուն համար ներողամիտ ըլլալ՝ անարդարութիւն և անդթութիւն է :

ՕՏԱՐ ԿԵՆԴԱՆԻ ԼԵԶՈՒՆԵՐ

1. Օտար լեզուներու ուսուցումը երեք շրջաններու կարելի և բանաւոր է բաժնել. 1. խօսիլ, 2. կարդալ, 3. գրել: Աւելորդ է ըսել թէ տառական իմաստով պէտք չէ մեկնել այս բաժանումները : Այսպէս, առաջին շրջանին մէջ վարժութեանց առանցքը պիտի ըլլայ խօսելը, իսկ կարդալ և

գրել՝ համեմատաբար նուազ կարեւոր տեղ մը պէտք է գրաւեն: Նոյն կերպով պէտք է ըմբռնել նաև միւս շրջանները :

2. Դաստիարակին առաջին գործն է աշաւկերտն ի վիճակի դնել օտար լեզուին ձայները ճիշտ ըմբռնելու և ճիշտ հնչելու: Կը հետեւի թէ դաստիարակը խնամեալ արտասանութիւն մը պէտք է ունենայ և չներէ բնաւ իր աշակերտաց՝ յոսի արտասանութիւն:

3. Արտասանութեան վարժութիւնները իրենց կիրառութիւնը կը գտնեն խօսուած լեզուին մէջ: Խօսիլ, այս է առաջին նպատակը օտար լեզուաց ուսուցման՝ դպրոցներու մէջ: Խօսիլ, այս է նաև օտար լեզուաց բանաւոր ուսուցութեան առաջին շրջանը, սկզբնակէտը: Ամէն բանէ առաջ, խօսիլ պէտք է սորվեցնել ուրեմն: Արդ, խօսիլ սորվեցնելու պայմաններն են խօսիլ լսել և խօսիլ: Հետեւաբար, դաստիարակը պէտք է խօսի և խօսեցնէ:

4. Անթիւ են լեզուի վարժութեանց առաջնները, միայն աստիճանաւորել պէտք է զանոնք: Լեզուի առաջին վարժութիւնները գէմ յանդիմանական պէտք է ըլլան: Աշակերտին ծանօթութեանց շրջանակէն (դպրոց, տուն, մարմնոյն մասերը, զգեստներ, մնունդներ) ընտրուած առարկաներ և նիւթեր, ինպէս նաև խաղալիքներ, պիտի ծառայեն լեզուի առաջին վարժութեանց: Ասմաց պիտի յաջորդեն պատկերներու վրայ կատարուած լեզուի վարժութիւններ (չորս եղանակ ները, գիւղը, քաղաքը, գետը, անտառը ելն):

5. Առարկաներու և պատկերներու վրայ կա-

տարուած լեզուի վարժութիւնները մեթոսի բառաւոր և յառաջախաղաց ընթացքի մը հպատակած պէտք է ըլլան :

Առարկային գլխաւոր մասերուն անոնը, տեղը, թիւը, դիրքը, ի՞նչ նիւթէ շինուած ըլլալը, որո՞ւ կողմանէ շինուած ըլլալը, գործածութիւնը, վիճակը կամ գործողութիւնը պիտի մատակարարեն լեզուի առաջին վարժութեանց նիւթը : Դաստիարակը օսար լեզուաւ պիտի ուզզէ պարզ, յստակ և համառօտ հարցումներ, որոնց աշակերտը պիտի պատասխանէ օսար լեզուաւ, ամբողջ նախադասութիւններով : Հետզհետէ, հարցումները պէտք է նուազին, և աշակերտները պէտք է խօսին աստիճանաբար դժուարացած նիւթերու վրայ, և նկարագրեն զանոնք :

6. Երբ աշակերտները վարժուին խօսուած լեզուն ըստ բաւականի հասկնալ և խօսիլ, օտար լեզուին ուսուցման առանցքը կ'ըլլայ ընթերցանութիւնը : Ընթերցանութեան ուսուցման համար պէտք է հետեւիլ այն մեթոսին՝ զոր ցոյց տուինք Մայրենի լեզուի բաժնին մէջ :

7. Կարեւոր պայման է որ ընթերցանութեան դասագիրքը գրուած ըլլայ ընթացիկ լեզուաւ և պարունակէ առօրեայ կեանքէ քաղուած ֆիզիքական, իմացական, ընկերային նիւթեր :

8. Դասախոսութեան հետեւեալ ձեւը յանձնարելի կը նկատենք : Աշակերտներն իրենց գիրքերը գոցած են : Դաստիարակը յստակ և խնամեալ արտասանութեամբ մը կը կարդայ դասագիրքին մէջէն կտոր մը զոր նախապէս ընտրած է :

9թէ կարդացուած կտորը համապատասխանէ աշակերտաց կարողութեան, տղաք պէտք է հասկցած ըլլան կտորին ընդհանուր իմաստը, փոյթ չէ որ իրենց անծանօթ բառեր գտնուին անոր մէջ, փոյթ չէ նոյնիսկ որ ինչ ինչ մասերը մութ, տարտամ մնացած ըլլան իրենց համար : — Դաստիարակը անգամ մ'ալ կը կարդայ, և այս անգամ աշակերտները աւելի աղէկ պիտի հասկնան անշուշտ : — Յետոյ, կարդացուած կտորը աղօտ կերպով զրուցել կուտայ : — Յետոյ, կը բացարէ, օտար լեզուաւ, աշակերտաց անծանօթ բառերը : Յետոյ, գիրքերը բանալ կուտայ և կը կարդացնէ կտորը : — Վերջապէս, նոյն կտորը թարգմանել կուտայ : — Օդտակար է նաև մշակուած ընթերցանութեան կտորը գոյ ընել տալ :

9. Երբ աշակերտները բաւական առաջանան, բաց ի լեզուին ուսման ծառայող բուն ընթերցանութեան գիրքէն, պէտք է անոնց ձեռքը տալ բարոյավէպ մը, միայն ընթացիկ ընթերցանութեան համար : — Նոյն աշակերտներէն պէտք է պահանջել նաև, երբեմն երբեմն, ամփոփումն օտար լեզուաւ գիրքի մը զոր կարդացած են :

10. Կը համնինք վերջին շրջանին, այն է՝ գրել : Գրաւոր համարները կը բաղկանան նախ ընդօրինակութենէ, որուն կը յաջորդէ ուղղագրութիւնը : Ուղղագրելի ուեւէ բառ պէտք է նախապէս լսուած, տեսնուած, արտասանուած, և ընդօրինակուած ըլլայ, ինչպէս բացարեցինք Մայրենի լեզուի բաժնին մէջ :

11. Իրբ քերականութիւն, պէտք է սորվեց-

նել այն գիտելիքը միայն որոնք իրապէս գործնաշական են, Վարժեցնելու է աշակերտները պարզ, յստակ, կարճ, վայելուչ գրելու արուեստին. այս է կարեւորը:

12. Գալով խմբագրելու արուեստին վարժեցնելու խնդրոյն, պէտք է դիմել այն խորհուրդներուն զորս տուած ենք Մայրենի լեզուի բաժնին մէջ:

13. Կրնայօգտակար ըլլալ օտար լեզուի թարգմանել տալ Հայերէն կտորներ որոնք պատրաստուած են մշակուած ընթերցանութեան կտորներուն նմանողութեամբ:

ՊԱՏՄՈՒԹԻՒՆ

1. Պատմութիւնը պէտք է ըլլայ անցեալի անկողմնակալ ուսումը՝ ծառայելու համար ներկայի ուսման:

2. Ինչպէս ուսմանց միւս ճիւղերուն, նոյնպէս և պատմութեան նպատակը կրկին է: Այդ նպատակներէն մէկն է ծանօթացունել աղդային և ընդհանուր պատմութեան վերաբերող գլխաւոր գիտելիքը: Միւս նպատակը — չատ աւելի կարեւոր քան առաջինը — սատարել է աղուն իմացական և բարոյական զարգացման և զգուշացնել զայն անտարբերութեան, սկեպտականութեան դէմ, ցայտեցնելով անհատին ճիգին մեծ արժէքը և մանաւանդ արդարութեան վրայ հիմնուած ամէն յարատե գործի անդիմադրելի ոյժը: Պատմութեան դասը, իբր քաղաքակրթութեան պատմութեան դաս մա-

նաւանդ կարեւորութիւն ունի: Թագաւորներու կեանքը և պատերազմները միջոցներ են. նպատակը ժողովուրդին պատմութիւնն է: Պէտք է պատմել թագաւորներու կեանքը, պէտք է պատմել պատերազմները, սա՛ բացարձակ պայմանաւ, սակայն, որ գատափարակը ցոյց տայ թէ ժողովուրդը, քաղաքակրթութիւնը ի՞նչ չահեցաւ և ի՞նչ կորսնցուց անոնց երեսէն:

3. Պատմութեան ուսուցման այս ըմբռնումով, անոր ատաղձներն են՝ կրօնքները, պատերազմները՝ իրենց առաջ բերած ընկերային փոփոխութիւններով, ընկերական վիճակը և քաղաքական հաստատութիւնները, գիտութիւնները, արուեստները, բարքերը:

4. Դասախոսութեան հետեւեալ երեք ձեւերը յանձնարարելի կը նկատենք նախապատռութիւնը տալով վերջինին. 1. Դասագիրքին մէջէն դասը կարդացնել, բացատրել և ապա գոյց ընել տալ՝ առաւել կամ նուազ տառական կերպով: 2. Դասը բերանացի բացատրել և յետոյ ցոյց տալ, դասագիրքին մէջ, բացատրուած դասը, գոյց սորվելու համար: 3. Խօսակցութեան ձեւով աւանդել դասը, խօսակցութիւնը ընդհատելով՝ աշակերտաց դատողութեան և բարոյական խիղճն ուղղուած հարցումներով: Յետոյ, հրաւիրել աշակերտները՝ որ դասը պատրաստեն, տրուած ծրագրի մը վրայէն:— Իսկ բացարձակապէս դատապարտելի կը նկատենք այն ձեւը որ կը կայանայ դասը զրուցագրելու մէջ:

5. Բաց աստի, ուսուցման եղանակը որոշ նկարագիր մը պէտք է ունենայ զանազան տարի-

ներու մէջ : Ա.մէնէն կրտսեր դասարաններուն մէջ ,
դասը պէտք է ըլլայ գեղանկար . հռն , պատմու-
թեան դասը պիտի բազկանայ վէպերէ , կենսա-
գրութիւններէ , զրոյցներէ , ձամբորդութեան պատ-
մութիւններէ և պատկերներու վրայ բացարութիւն-
ներէ : — Աւելի յառաջացեալ աշակերտաց համար ,
դասը պիտի ըլլայ աւելի քաղաքական (պատմական
իրողութիւնները պատմել) : — Իսկ ամէնէն բարձր
կարգերուն մէջ , պէտք է պատկերացնել բարոյական ,
քաղաքական և ընկերային կեանքին ընթացքը :

6. Դասը պէտք է կարելի եղածին չափ
թանձրացեալ , դէմ յանդիմանական ըլլայ , պէտք
է որ աշակերտը իր մտքին մէջ նկարէ կերպարանէ
այն անձերը որոնց վրայ կը խօսի դասախարակը ,
անոնց ոգին և անոնց սովորութիւնները . պէտք է
ուրեմն պատկերներ տալ տղուն , նիւթական պատ-
կերներ և հոգեկան պատկերներ :

7. Դաստիարակին ոճը պէտք է ըլլայ կեն-
դանի և մինչև աստիճան մը դերասանական : Կա-
րեւոր պայման է որ դաստիարակը յուզէ իր աշա-
կերտները , որքան անոնց միտքին՝ նոյնքան անոնց
սրտին խօսելով :

8. Ա.մէն անդամ որ կարելի է , պէտք է մեկ-
նիլ այն քաղաքական կամ ընկերային վիճակէն ուր
կ'ապրին և որոյ վրայ որոշ գաղափար մ'ունին
աշակերտները , այսինքն պէտք է առաջնորդել
աշակերտները անցեալին մէջ՝ ներկային լոյսով .
անդադար պէտք է բաղդատել այս օրը և ատե-
նօքը , մտադիր ըլլալով միշտ անկողմնակալութեան
և ճշդութեան :

9. Ա.մէնէն կարեւոր թուականները միայն
պէտք է սորվեցնել և զլսաւոր իրողութիւնները
թուականի մը շուրջը պէտք է խմբել : Այն ատեն ,
թուականները մեծապէս կը թեթեւցնեն լիովու-
թեան գործը՝ օգնելով գաղափարաց շղթայման :

10. Աշխարհացոյց քարտէսին վրայ կամ գրա-
տախակին վրայ գծուած նախագիծի մը վրայ
պէտք է ցոյց տալ աշխարհագրական տեղերը :

11. Օգտակար է երրեմն երբեմն գրաւոր հա-
մարներ տալ , որոնց մէջ պատմական անցքերու ,
հաստատութեանց , կենսագրութեանց բազդատու-
թիւնները մեծ տեղ մը պէտք է բռնեն :

ՔԱՂԱՔԱՅԱԿԱՆ ԿՐԹՈՒԹԻՒՆ

Ա. և Բ. տարիներուն մէջ՝ քաղաքացիական
կրթութեան մասնաւոր դաս ընելու հարկ չի կայ :
Ընթերցանութեան և աշխարհագրութեան դասե-
րուն մէջ միայն կը բացարուին այս նիւթին վե-
րաբերեալ բառերը՝ ըստ կարգի , ամէն անգամ որ
ներկայանան :

Ցեսարաց տարիներուն մէջ ,

1. Ուսուցիչը դասը կ'սկսի՝ նախորդ դասին
վրայ հարցումներ ընկելով :

2. Ցեսոյ նոր դասը կը բացատրէ առաջնորդ
ունենալով գրատախակին վրայ գրուած ուրուա-
գիրը : Տղոց ծանօթ եղած իրողութիւններէն կը
մեկնի՝ նպատակ ունենալով ճիշդ ու գործնական
գիտելիքներ տալ անոնց՝ թուրքիոյ կազմակերպու-

թեան վրայ : Պատմութեան դասերու միջոցին առկ-
թէն օգուտ կը քաղէ և անցելոյն ու ներկային մի-
ջեւ բազգատութիւններ ընելով , կ'ամրողացնէ իր
ուսուցումը : Նոյնպէս , աշխարհագրութիւնը՝ քա-
ղաքացիական կրթութեան ծրագրին հետ առնչա-
կից կէտեր կը ներկայացնէ երբ կը խօսի երկ-
րին վարչական բաժանման վրայ : Ուսուցչին
դասերը՝ աշակերտին ծանօթացնելով հանդերձ երկ-
րին հաստատութիւնները իրենց պաշտօնով ու իրենց
ընդհանուր սկզբունքներով , անոնց նկատմամբ յար-
գանք կը ներշնչեն սամիկին և անոր մէջ կը զար-
գացնեն Հայրենիքին ու Սահմանադրական կարգաց
լուսամիտ սէրը :

3. Դասը բացատրելէ ետքը , ուսուցիչը բե-
րանացի հարցումներ կ'ուղղէ դասարանին . ամէնէն
վերջը հակիրճ ամփոփում մը գրել կուտայ աշա-
կերտաց :

4. Ժամանակ ժամանակ , խմբագրութեան
ձեւով պարտականութիւն մը կը տրուի իբրև գործ-
նական հրահանգ տրուած դասերուն :



ՅԱՒԵԼՈՒԱԾ (Տես Էջ 40)

Երկու գլխաւոր մեթոսներ վարած են գծագ-
րութեան ուսուցումը : Անոնցմէ մէկը հիմուած է
գիծերու և չափերու վրայ : Միւս մեթոսը կը յանձ-
նարաբէ առարկանները գծել բնականին վրայէն :
Թէև չենք կարծեր որ հոգեբանական մանկավար-
ժութիւնը իր վերջնական վճիռը արձակած ըլլայ
այս երկու մեթոսներէն մէկուն կամ միւսին նկատ-
մամբ , սակայն պարտք կը համարինք ուսուցչաց
ուշադրութիւնը հրաւիրել այն վարկին վրայ զոր
երկրորդ մեթոսը կ'սկսի հետզհետէ վայելել : Մաս-
նաւորապէս Ֆրանսա և Զուիցերիա պաշտօնապէս
որդեգրեցին վերջերս այդ մեթոսը , իբր ամէնէն
աւելի համաձայն տղուն հոգեբանական պահանջ-
ներուն : Տղուն աչաց առջեւ կը դնեն տերեւ , անա-
սուն , սովորական առարկաներ՝ գծելու համար :
Յետոյ , նոյն նիւթերը կը վերցնեն տղուն աչքին
առջեւէն , և կը հրաւիրեն զայն յիշողութեամբ գծե-
լու՝ ինչ որ բնականին վրայէն գծած էր : Որդեգ-
րուած մեթոսին մէջ մասնաւոր կարեւորութիւն
տրուած է նաև աղատ գծագրութեան . երբեմն ,
տղան աղատորէն կը գծագրէ տրուած նիւթի մը
վրայ . երբեմն ալ , բոլորովին աղատ կը թողուի
տղան , որ ինքն իսկ կ'ընարէ նիւթը :

Աւելորդ է ըսել թէ յառաջացեալ աշակերտաց
համար՝ գիծերու և չափերու վրայ հիմուած գծագ-
րութիւնը իր կարեւորութիւնը կը վերստանայ :



ՀՀ Ազգային գրադարան



